

ጾኑሲ ማደ'ም ዳኪንቴ ጳውሎስ ሮሜ ዓጮ' ዓሶም ዳኬ ኪኢቶ' ዓይያ ካሮ'

ጾኑሲ ማደ'ም ዳኪንቴ ጳውሎስ ሓያ ኪኢቶ' ሮሜ ዓሶም ፃኣፔሢ' ሮሜ ዓጮ'ይዳ ዓኣ ሺኢጲያ ማኣሮ ዓሶ ዛጋኒ ዒ ማሌሢሮ ዒያታ ዒዛ ገኢጊ ካፓንዳጉዲኬ። ጳውሎስኮ ማሊያ ሮሜይዳ ዓኣ ኪሪሰቶስ ጉሙርቂ ዔኬዘንሢና ዳካ" ዎዴ ዴዒ ማዴሰካፓ ዔያታ ዒዛ ማኣዴ"ም ዒሰፔኔ ዓጮ" ዴንዳኒኬ፤ ኪሪሰቶስ ጉሙርቂ ዔኪያ ዛሎ" ዒ ዔሬ ባኮና ሓሣ ዔያታ ዎይቲ ናንጋንዳቴያ ናንጋንዳ ጎይያ ፓይዲ ፓይዲ ፃኣፔኔ፤ ጳውሎስ ዔያቶ ኪኢታኒ ማሌ ባካ ቢያ ሃኖ' ኪኢቶ'ይዳ ዓኣኔ።

ጳውሎስ ሮሜይዳ ዓኣ ኪሪሰቶስ ጉሙርቂ ዔኬዘንሢም ሳራሢ ሳራሢያና ሃሣ ዔያቶም ዒ ሺኢቃያ ማዒያዎ ዔርዘሢሢኮ ገንፃ ዒዛ ኪኢቶ'ኮ ዓኣፓ ማዔ ባካ፡- «ጾኑሲ ዓሲ ዒሎ" ማሂ ዛጋሢ ኪሪሰቶስ ጉሙርቂቶ ሌሊ ማዔሢ ዬይ ኮዢ ሃይሶ ቃኣላ" ኬኤዛኔ፤ ዓይጎሮ ጌዔቴ ጾኑሲ ጉሙርቂ ዓሲ ጾኑሲ' ዒሎ" ማሂ ዛጋኔ፤ ናንጊያ ዴንቃንዳኔ» (1፡17) ጋዓ ማሊያ ማዔሢ ዒ ዳዎኔ።

ዬካፓ ሓሣ ጳውሎስ ዬኖ ማሊያሎ ዳልገሺ ፃኣፓ ዓይሁዴ ዓሶ ማዔቴያ ማዒባኣ ዓሳ ቢያ ጎሜና ዓኣያ ማዔሢሮ ጾኑሲና ዎላ" ቡካንዳያ ኮይሳኔ፤ ዓሲ ጾኑሲና ዎላ" ቡካኒ ዳንዳዓሢያ ዬሱሰ ኪሪሰቶስ ጉሙርቂ ዔኪሢና ሌሊኬ፤ ዬኖ ጾኑሲና ዎላ" ገኢጊ ቡኪንቶኮ ዓኣፓ ሜሌ" ዓኪ ናንጊ ዴንቂሢ ማዔሢ ዒዚ ዳልገና ኬኤዛኔ። ዒዚ ኬኤዛያ ኪሪሰቶስ ጉሙርቂ ዔኬ ዓሲ ጾኑሲና ዎላ" ኮሺ ናንጋንዳኔ፤ ዬይ ዓሢ ጾኑሲ ዓያኖ ዛሎ"ና ጎሜና ሃይቢናኮ ዎልቆ ዴማ"ፓ ባሺ ኬሰኬኔ፤ ጌዒ ዓይ. 5-8 ሄላ"ንዳኣና ጳውሎስ' ጾኑሲ ዎጎኮ ማሊያና ኪሪሰቶስ ጉሙርቂ ዔኬ ዓሶ ናንጎይዳ ማደ ዓያኖ ጌኤዢናኮ ማሊያ ዓይጎታቴያ ዔርዘኔ፤ ዬካፓ ሃሣ ጳውሎስ፡- «ጾኑሲ' ዓሲም ማላ ማሊያ ጋራ ዓይሁድና ዓይሁዴ ማዒባኣ ዓሶና ዎላ" ዎይቲ ፔቴ" ማዓኒ ዳንዳዓይ?» ጋዓ ዓሶኮ ጾኑጨያ ማሃኒ ሚርጌ ኮዓኔ።

ሃሣ ዓይሁድ ዓሳ ዬሱሴ ጉሙርቂ ዔኩዎየ ዓቲፃ ጾኑሲ ማሊሢ ማዒያ ዒ ኬኤዛኔ፤ ዓይጎሮ ጌዔቴ ዬያ ጎይያና ዓሲ ቢያ ዬሱሰ ኪሪሰቶስ ዛሎ"ና ጾኑሲ ጉሪ ዒንጌ ዳቂንቶና ዳቃኒ ዳንዳዓንዳጉዲኬ ጋዓኔ፤ ማዔቶዎ ዓይሁድ ዓሳ ዬሱሴ ጉሙርቂ

ዔካንዳ ዋዴ ሙካንዳሢ ጳውሎስ ጉሙርቃኔ፤ ጋፒንፃ ጳውሎስ ኬኤዛያ ኪሪስቶስ ጉሙርቂ ዔኪ ዋይቲ ናንጎንዶቲያ፣ ባሼ ሃሣ ኪሪስቶስ ጉሙርቃ ዓሳ ዋላ" ናሹሞና ናንጋንዳጉዲ ኬኤዛኔ፤ ዩያይዳ ዒ ቃሳ"ያ ያኦሲም ማዲሢ ዛላንታ ኪሪስቶስ ጉሙርቃ ዓሳ ፔ ዓጮ"ሞ ገንሣ ዋለማአ ዔያታ ማዲኒ ኮይሳ ባኮ ሃሣ ያኦሲ ዋጎ ዔያታ ማዲ ዋድ"ና ዔያቶም ያኦጪሢ ማዒ ሂርጊሻ ባኮ ዛሎ" ፓይዲ ፓይዲ ዒ ኬኤዛኔ።

ማፃኣፔላ ዲማ ዲማ ዓርቂ ባኮ

- 1 ዓይያ ካሮ"ንታ ኬኤዚንታኒያ ማለንቲ ባኮ 1፥1-17
- 2 ዓሲ ቢያም ዳቂንታ ኮይሳሢ 1፥18—3፥20
- 3 ያኦሲ ዓሲ ዳቂሻ ጎይያ 3፥21—4፥25
- 4 ኪሪስቶስ ዛሎ"ና ጴዳ ዓኪ ናንጊ 5፥1—8፥39
- 5 ያኦሲኮ ዒሰራዔኤሌ ዓሰም ዓኣ ማሊያ 9፥1—11፥36
- 6 ኪሪስቶስ ጉሙርቃ ዓሲ ናንጋ ጎይሢ 12፥1—15፥13
- 7 ጋፒንሢ ማሊሢና ሳራሥሢ 15፥14—16፥27

1 ዩሱስ ኪሪስቶስም ማዲያ ማዔ፣ ያኦሲ ማዲ"ም ዔኤሊ"ንቲ፣ ኮኸ ሓይሶ ቃኣሎ" ኬኤዛኒ ዶኦሪንቲ፣ ጳውሎስይዳፓ ዳኪንቲ ኪኢታ፤

2 ሃይ ኮኸ ሓይሶ ቃኣላ" ያኦሲ ፔ ማሊያ ኬኤዛ ዓሶ ዛሎ"ና ጌኤኸ ማፃኣፕይዳ ቤርታዲ ዒንጌ ሃጊ ማዓንዳ ዋዘ" ቃኣሎ"ኬ።

3 ኮኸ ሃይሳ" ያኦሲ ናዓሢ ዓሲ ማዒ፣ ዳውቴ ዜርያይዳፓ ሸይንቲሢ ኬኤዛያኬ። 4 ዩያጉዲ ሓሣ ጎዳ ዩሱስ ኪሪስቶስ ጌኤኸ ዓያኖ ዛሎ"ና ዴኤፕ ዋለቆና ሓይባ"ፓ ዔቂያና ያኦሲ ናይ ማዔሢ ኬኤዛኔ።

5 ዒዛ ዛሎ"ና ያኦሲ ማዲ"ም ዳኪንቲያ ኦና ማሃኒ ዳንዳዒሳ ያኦሲኮ ኮሹሞ ዒንጊያ ኦ ዴንቄኔ፤ ዩያሮ ዒዛ ዛሎ"ና ዓይሁዴ ማዒባኣ ዓሳ ቢያ ኪሪስቶስ ጉሙርቃንዳጉዲና ዒዛም ዓይሢንታንዳጉዲ ኦ ማሃኔ። 6 ዒንሢያ ዩሱስ ኪሪስቶስሮ ማዓንዳጉዲ ያኦሲ ዔኤሌ" ዓሶ ባኣካ"ኬ።

7 ዩያሮ ሮሜ ዓጮ"ይዳ ናንጋያ፤ ሃሣ ያኦሲ ዒንሢ ናሽኪ፣ ዒዛ ዓሲ ማዓንዳጉዲ ዔኤሌ"ዘንሢም ቢያ፡-

ኦ ዓዳሢ ያኦሲና ጎዳ ዩሱስ ኪሪስቶስናኮ ሚጪንቲያና ኮሹሞና ዒንሢም ማዖም።

ጋላታ ሺኢጲሢ

8 ዒንሢኮ ያኦሲ ጉሙርቂያ ሓይሳ ዓጮ" ቢያይዳ ዋይዚንቲሢሮ ቢያፓ ቤርታሲ ዩሱስ ኪሪስቶስ ዛሎ"ና ዒንሢ ቢያሢ ዛሎ"ሮ ታ ያኣዛሢ ታኣኒ ጋላታኔ። 9 ቢያ ኬሊ" ታ ሺኢቃ ዋድ"ና ዒንሢ

ዛሎ" ዋሎ"ዋያ ማዲያኮ ዒዛ ናኣዚ" ዛሎ" ኮዡ ሓይሶ ቃኣሎ" ኬኤዚ ኬኤዚ ጉቤ ዒናፓ ታ ዒዛም ማዳ ያኣዛሚ ታኣኮ ማርካኬ።
 10 ያኣሲ ጌዔቱ ጋፒንፃ ሓሢ ዒንሢ ኮራ ታ ሙካንዳ ጎይሢ ዒ ጊኢጊሻንዳጉዲ ቢያ ኬሊ" ታ ሺኢቃኔ። 11 ዓይጎር ጌዔቱ ዒንሢ ያኣሲ ጉሙርቁያና ደዳንዳጉዲ ማሃ ዓያኖ ዒንጊያ ታ ዒንሢም ኬኤዛኒ ኮዓሢር ታ ዒንሢ ዛጋኒ ኮሺ" ማላኔ። 12 ዬያ ታ ጋዓሢ ታኣኒ ዒንሢ ጉሙርቁያ ዛሎ"ና ዒንሢያ ታ ጉሙርቁያ ዛሎ"ና ዋሊ ኑ ደዲሻኒ ኮዒኬ።

13 ታ ዒሸንሦ! ታ ሚሸንሦ! ሜሌ" ዓይሁዴ ማዒባኣ ዓሶ ታ ዔርዚ ሚርጌ ኪሪሰቶሴ ጉሙርቃ ዓሲ ዴንቄኔ፤ ዬያጉዲ ሃሃ ዒንሢ ባኣኮ"ይዳኣ ታ ዔርዚ ኪሪሰቶሴ ጉሙርቃ ዓሲ ዴንቃኒ ማሌኔ፤ ጋዓንቱ ዒንሢ ባንሢ ሙካኒ ሚርጌና ታ ማሌም ሓኖ" ሄላ"ንዳኣና ታኣም ጊኢጊባኣሢ ዒንሢ ዔራንዳጉዲ ታ ኮዓኔ።
 14 ጊሪኮ ዓጮ" ናንጎና ሙኤጮና ዔራ ዓሶና ዔራዋ ዓሶናም። ጨንጮ ዓሶና ቦኣዘ ዓሶናም ኮዡ ሓይሶ ዔርዘንዳያ ታና ኮይሳኔ።
 15 ዬያሮቤ ዒንሢ፣ ሮሜይዳ ናንጋዘንሢም ኮዡ ሓይሶ ኬኤዛኒ ታ ኮዓሢ።

ኮዡ ሓይሶ ቃኣሎ" ዋልቆ

16 ታኣኒ ኮዡ ሓይሶ ቃኣሎ" ኬኤዛኒ ቦርሲንቱዋሴ፤ ዓይጎር ጌዔቶ ኮዡ ሓይሶ ቃኣላ" ቤርታዲ ዓይሁዴ ዓሶ፣ ሄሊ"ሳየ ዓይሁዴ ማዒባኣ ዓሶ፤ ጌይፃ፡- ጉሙርቃ ዓሶ ቢያ ዳቁሻኒ ዳንዳዓ ያኣሲ ዋልቄኬ። 17 ዬይ ኮዡ ሃይሶ ቃኣላ" ያኣሲ' ዓሲ ዒሎ" ማሃ ዛጋሢ ኪሪሰቶሴ ጉሙርቁቶ ሌሊ ማዔሢ ኬኤዛኔ፤ ዓይጎር ጌዔቱ፡- «ያኣሲ ጉሙርቃ ዓሲ ያኣሲ' ዒሎ" ማሃ ዛጋኔ፤ ናንጊያ ዴንቃንዳኔ» ጌይንቲ ፃኣፒንቱኔ።

ዓሲኮ ፑርቱዋ

18 ዓሳ ፔኤኮ ፑርቱዋና ጎኑም ፔጋዲ ዔርቱዋጉዲ ማሃኔ፤ ዬያሮ ዔያቶኮ ጎምና ፑርቱዋና ዛሎ"ሮ ያኣሲኮ ጎሪ'ንታ ጫሪንጫፓ ዔያቶይዳ ሙካንዳኔ። 19 ያኣሲ ዔያቶ ሜቶና ጎራ"ሢ' ያኣሲ ዛሎ" ዔያታ ዔራኒ ኮይሳ ባኮ ዒ ዔያቶ ፔኤሮ ዔርዜም ዔያታ ዔራንታሢርኬ። 20 ዓጮ" ማዡንቱሢዳፓ ዓርቃየ ዓሲም ጴዲዋ፣ ያኣሲ ባካ፤ ጌይፃ፡- ናንጊና ናንጋ ዒዛኮ ዋልቆና ያኣሲምና ዒ ማዜ ባኮይዳ ፔጋዲ ጴዴኔ፤ ዬያሮ ዬኖ ዓሶጉዲ ዔሪየ ፑርቲሳዘንሢ ቶላ"ኒ ጌሰታንዳ ባኣዚ" ባኣሴ። 21 ዓይጎር ጌዔቱ ዔያታ ያኣሲ ዔሪያታየ ዒዛም ኮይሳ ቦንቾና ጋላታና ዒንጊባኣሴ፤ ዬያሮ ዔያታ

ፔኤኮ ማሊያና ፓሁቀ ዓሲ ማዕኔ፤ ሐሣ ጳቂሁቀያ ማዕ ዲና" ዔያቶኮ ባይቄኔ፤ 22 ዔያታ «ኑ ጨንጫ ዓሲኬ» ጋዓኔ፤ ታንቴ ዔያታ ዔኤያኬ። 23 ናንጊና ናንጋ ያኦዛሢ ካኣሽኪያ ሃሺ" ለኣሚንታያና ባይቃያ ማዕ፥ ዓሲንታ ካፒንታ ቆልሞንታ ሳዓይዳ ዳዲና ሃንታ ባኮ ማሊሲ ማገፍና ካኣሽኮ ባኣዚ" ዔያታ ካኣሽኪሢ ሳርቄ።

24 ዬያሮ ያኦሲ፡ ቦርሲሳ ባኣዚ" ዔያታ ማዳንዳጉዲ ዲኢሳ ፑርታ ባኣዚ" ኩሜ ዔያቶ ማሊያ ዔያታ ኩንሣንዳጉዲ ዔያቶ ሃሺ"ኔ። 25 ዬይ ያዲ ማዕሢ ያኦሲኮ ጎኑሞ ሉኡዙሞና ዔያታ ለኣሜሢሮ፡ ማገፍሢ ዓኣንቴ ማገፍንቴ ባኮ ዔያታ ካኣሽኪ፥ ዬያ ባኮም ማዳሢሮኬ፤ ያኦሲ ጋዓንቴ ናንጊና ጋላቲንቴያኬ።

26 ዓሳ ዬያ ማዳሢሮ ያኦሲ' ዓሶ ኮይሱቀ ቦርሲሳ ሱኡኬም ዓኣሢ ዓንጌኔ፤ ዔያቶኮ ለኣላታያ ዔርቴ ጎይያጉዲቱቀንቴ ዳሞቤባኣ ጎይሢ ለኣለና ለሃኔ። 27 ዬያጉዲ ሃሣ ዓቲንቃ ለኣሎና ለሃያ ሃሺ"፥ ዋለ" ለሃኒ ኮዒሢና ዓቲንቃ ዓቲንቆና ዋለ" ቦርሲሳ ባኣዚ" ማዳኔ፤ ዬያሮ ዔያቶኮ ዳቢንቶ ዛሎ"ና ዔያቶም ኮይሳ ሜቶ" ፔጊዳ ዔያታ ዔኪ ዬዓንዳኔ።

28 ዓሳ ያኦሲ ዔራኒ ኮዒባኣሢሮ ቦርሲሳ ባኣዚ" ማዳንዳጉዲ ያኦሲ ፓሁቀ ማሊሢም ዓኣሢ ዔያቶ ዓንጌኔ። 29 ዬያሮ ጌኔ ማዳ፡ ፑርቱሞ፥ ዲኡዲሞ፥ ኮሜ ሳርቂሢ፥ ቂኢሩሞ፥ ዓሲ ዋዲሢ፥ ዑራ፥ ጌሺሢ፥ ፑርታ ማሊሢ ዔያቶይዳ ኩሜኔ፤ 30 ዬያጉዲ ሃሣ ዔያታ ደንካያ፥ ዓሲ ሱንሢ ባይዛያ፥ ያኦሲ ዒፃያ፥ ዓሲ ቦሃያ፥ ያቶርቃያ፥ ሄርሺንታያ፥ ፑርታ ባኣዚ" ማዳንዳ ጎይሢ ኮዓያ፥ ሸዔ ዓሶም ዓይሢንቴቀያ፥ 31 ጳቂሁቀያ፥ ጌሰቲ ቱኮ"ና ጌኤዘ ካፑቀያ፥ ናሹሞ ባኣያ፥ ሚጨንቲሢያ ባኣ ዓሲኬ። 32 «ዬንሢ ማዳዘንሢም ቢያ ሃይቢ ኮይሳኔ» ጋዓ ያኦሲኮ ዋጎ ዔራያታያ ዬያ ቢያ ዔያታ ማዳኔ፤ ማዳ" ሌሊቱቀንቴ ዬያጉዲ ማዳ ዓሶቀ ዔያታ ማዳንዳጉዲ ደዲሻኔ።

2

ያኦሲ ዋጋ ዋጌ

1 ሜሌ" ዓሲ ዑሰካ ኮይሱቀ ጎይሢ ዋጋሦ! ኔ ቶኦኪና ኔ ኬኤዚ ቶለ"ንዳ ጎይሢ ኔኤኮ ባኣሢ ዔራ፤ ዋይቲ ጌዔቴ ኔኤኒ ዓሶይዳ ዋጋያታያ ዬይ ኔ ዋጋ ዓሢ ማዳማ ኔ ማዳኔ፤ ዬያሮ ሜሌ"ሢ ዑፃ ኔ ዋጋ ዋድ"ና ኔ ቶኦካ" ኔ ዋጋኔ። 2 ዬያ ማዳ" ማዳ ዓሶ ዑያይዳ

1:21 ዓፕ. 4፥17-18። 1:23 ለሚ. ዋማ 4፥16-18። 2:1 ማቴ. 7፥1፤ ሉቃ. 6፥37።

የእሴት ጭንቀትም ከይሳ ዋጌ ዋጋንዳህ ኑ ዓራኔ፤ 3 ሃይ ዓህ ኔ! ይያይዱ ማዳ ዓሶ 0-9 ኔ ዋጋያታዎ፣ ዓያታ ማዳ ባኮ ኔ ማዳያታቱ የእሴት ዋጋጋ ኔ ቶላ"ንዳያ ኔኤም ማላ? 4 ሐህ የእሴት ኮሹሞና ጊቢ" ዳንዳዒያናኮ ሚርጊያ ኔ ቦሃ? የእሴት ኔኤም ኮሹሞና ማሌህ ኔና ጎሞይዳጋ ፔ ባንህ ማሃኒታህ ኔ ዓራዋዓዳ? 5 ዓካሪ ኔኤኒ ጎሞ ቡኡያ ዒያያ ማዓህረ የእሴት ጎሪ"ንቶና ሂሎ" ዋጎና ፔጋዳ ዋድ"ና ሜታ ኔ ጊዳ" ሃቺሞ ዲባንዳጉዲ ኔ ማሃኔ። 6 ዓይጎር ጌዔቴ የእሴ ፔቴ" ፔቴ"ህም ፔኤኮ ማድ"ጉዳያ ዒጎጎንዳኔ። 7 ኮሺ ማድ ደዲ ማዲ ጋላታና ቦንቸና ሐህ ባይቁዋ ናንጊያ ኮባዘንህም ናንጊና ጋፑዋ ናንጊ የእሴት ዒጎጎንዳኔ። 8 ጋንጎቴ ፔኤም ማዓ ባአዚ" ኮዓያ፣ ሃህ ጎኑሞ ሃሺ" ፑርታ ማዳዘንህዳ የእሴጋ ፑርታ ዋጌና ጎሪ"ንቲና ሙካንዳኔ። 9 ፑርታ ማዳ ዓይጎ ዓሲዳ ማዎም ሜቶና ዋአዮና ሄላ"ንዳኔ፤ ዩይያ፡- ቤርታዲ ዓይሁዴ ዓሶይዳ ዩካጋ ዓይሁዴ ማዒባአ ዓሶይዳ ማዓንዳኔ። 10 ጋንጎቴ ዓይሁዴ ዓሲ ማዔቴያ ዓይሁዴ ማዒባአያታዎ ኮሺ ባአዚ" ማዳ ዓሲም ቢያ ጋላታና ቦንቸና ሃህ ኮሹሞዋ ዒጎጎንጎታንዳኔ። 11 ዋይቲ ጌዔቴ የእሴት ዓሲ ዲማሱዋሴ።

12 ሙሴ ዓርዘ ዋጎ ዓራዋያታቱያ ጎሜ ማዳ ዓሳ ቢያ ዓያታ ማዳ ፑርቶ ማድ" ዘሎ"ና ባይቃንዳኔ፤ ዩያ ዋጎ ዓራያታዎ ጎሜ ማዳህ ዩያ ዋጎ ጎይያና ኮይሳ ሜቶ ዓካንዳኔ። 13 ዓይጎር ጌዔቴ የእሴት ቤርቲዳ ሂሎ" ማዓዘንህ ዋጎ ካጋዘንህኔ፤ ዋይዘያ ካፑዋዘንህቲዋሴ። 14 ሙሴ ዓርዘ ዋጎ ዓራዋ ዓይሁዴ ማዒባአ ዓሳ ዓያቶኮ ናንጎ ዋጋ" ዓይህ ባኮ ማዳኔ፤ ዩያር ሙሴ ዓርዘ ዋጎ ዓያታ ዓራዋቲያ ዓያቶኮ ናንጎ ዋጌ ዓአህረ ዓያታ ማዳንዶ ባኮ ዓዔራኔ። 15 ሐህ ዓያቶኮ ዒና" ዓያቶም ማርካዳኔ፤ ዋይቲ ጌዔቴ ዓያቶኮ ዒና" ፔቴ" ፔቴ"ና ዓያታ ማዳ ባካ ፑርታ ማዒያ፣ ፔቴ" ፔቴ"ና ሃህ ኮሺ ማዒያ ዓያቶም ዓርዘኔ፤ ዩያይዲ ዓያታ ማዳህረ ሙሴ ዓርዘ ዋጋ ዓይህ ባካ ቢያ ዓያቶኮ ዒና" ማገገንቲ ዓአህህ ዓርታኔ። 16 ዩይ ያዲ ማዓንዳህ ሃህ ታአኒ ከገገ ሃይሶ ቃአሎ" ዘሎ"ና ከኤዚ፣ ዓርዘህ ጎይያ ዓሳ ማዳ ዓአሺንቴ ባኮይዳ ዩሱሰ ከሪሰቶሴ ዘሎ"ና የእሴት ዋጋ ከሎ"ናኬ።

ዓይሁዳ ዓሶና ሙሴ ዓርዘ ዋጎና ዘላ

17 ሐይሾ ኔኤኒ ኔና፡- «ታአኒ ዓይሁዴ ዓሲኬ» ጌዒ ሙሴ ዓርዘ ዋጎ ጉሙርቃያ ሃህ፡- «ታ የእሴት ዓሲኬ» ጌዒ ኔ ሄርሺንታኔ። 18 ኔኤኒ

2:6 ዓይኑ. 62፣12፤ ኮአኪ. 24፣12። 2:11 ላሚ. ዋማ 10፣17።

ጾኑሲ ማሊያ ዔራያ፡ ሙሴ ዔርዘ ዋጋ" ጋዓሢያ ዔራሢሮ ኮሺ ማደ ኔ ዔራኔ። 19 ኔኤኒ ሃሣ፡- «ዓኣፖ ባይቁ ዓሶ ታ ዔኪ ዓኣዳያ፡ ዲሞይዳ ዓኣ ዓሶኮዋ ታ ፖሲኬ» ኔ ኔና ጋዓኔ። 20 ዬያጉዲ ሃሣ ኔ፡- «ዔሪባኣ ዓሶ ታ ዔርዘያኬ፤ ናኣቶ" ታ ዔርዘያኬ» ጋዓኔ፤ ጊንሣ ሃሣ፡- «ዋጎንታ ዋጎኮ ጎኑሞ ሚርጌና ታ ዔራያኬ» ኔ ጋዓኔ። 21 ዓካሪ ማሊ" ዓሶ ኔ ዔርዘያ ማዓዖ፡ ኔና ኔ ዔርዘቱዋዓዳ? «ውኡቁፖቴ» ኔ ጋዓኔ፤ ጋዓንቴ ኔ ኔኤሮ ዉዉኡቃኔ፤ 22 ጊንሣ «ዓኒ ሃሣ ማቾ ማዒባኣያና ላሂፖቴ» ኔ ጋዓኔ፤ ጋዓንቴ ዬያ ኔ ማማዳኔ፤ ማሊ" ካኣሽኮ ባኮ ኔ ሻሻኣከጎታኔ፤ ጋዓንቴ ዬያ ካኣኩ ማኣራ ዓኣ ባኮ ዔያቶኮ ኔ ቡቡራኔ። 23 ኔኤኒ ጾኑሲ ዋጎና ሄርሺንታኔ፤ ጋዓንቴ ዬያ ዋጎ ኔ ካፖ ሃሺ"ያና ጾኑሲ ኔ ቶኦቻኔ። 24 ዬይ ያዲ ማዔሢ፡- «ዒንሢ፡ ዓይሁዶ ዓሶ ዛሎ"ና ጾኑሲኮ ሱንፃ ዓይሁዶ ማዒባኣ ዓሶና ጫሽከጎታኔ» ጌይንቴ ፃኣፒንቴ ጎይፆናኬ።

25 ዓቲንቶ ቤርቶ ቲቁፆ ካኣሺ ኔኤም ማዓሢ ዋጎ ኔ ኩንሢቶኬ፤ ዋጎ ኔ ካፑዋያ ማዔቶ ጋዓንቴ ዓቲንቶ ቤርቶ ቲቁፆ ካኣኩ ጉሪ ማዓንዳኔ። 26 ዬያሮ ዓቲንቶ ቤርቶ ቲቁንቴባኣ ዓይሁዶቱዋ ዓሢ ዋጎ ዓይሢያ ኩንሢያ ማዔቶ ዓቲንቶ ቤርቶ ቲቆ ካኣኩ ኩንሢያ ማዐ-ዋዓዳ? 27 ኔኤኒ ኔኤኮ ዋጌ ዓኣያ፡ ሃሣ ዓቲንቶ ቤርቶ ቲቁንቶ ካኣኩ ኩንሢያ ማዓዖ፡ ዋጎ ኔ ካፒባኣያ ማዔቲ ዓሽኮ ዓቲንቶ ቤርቶ ቲቁባኣያታዎ ዋጎ ኩንሢ ዓይሁዶ ማዒባኣ ዓሢ ኔ ጊዳ" ዋጋንዳኔ። 28 ዬያሮ ሱንፃ ሌሊ ዓይሁዶ ማዔ ዓሲ' ጎኔ ዓይሁዶ ዓሲ ማዐ-ዋሴ፤ ዬያጉዲ ሃሣ ጴዳ ዓሽኮ ዓቲንቶ ቤርቶ ቲቁፆ ሌሊ ጎኑሞ ቲቁንቴ ካኣሺቱዋሴ። 29 ጎኔ ዓይሁዶ ዓሲ' ዒኖ ጋራፓ ዓይሁዶ ዓሲ ማዒ ጴዳቶኬ፤ ጎኔ ዓቲንቴ ቤርቲ ቲቁሢ ካኣሺ፡- ጾኑሲ ዓያናፓ ማዔ ዒኔ ቲቁንቴ ካኣሺ ማዓንዳኣፓዓቲም ሙሴ ዔርዘ ዋጎይዳ ፃኣፒንቴ ጎይፆጉዲ ዓሽኮ ዓቲንቶ ቤርቶ ቲቁንቶ ካኣኩቱዋሴ። ዬያይዳ ዓሲ ጋላታ ዴንቃንዳሢ ጾኑሲዳፓ ማዓንዳኣፓዓቲም ዓሲዳፓቱዋሴ።

3

ዓይሁዶ ዓሶኮ ዳቢንቶ

1 ዓካሪ ዓይሁዶ ዓሳ ዓይሁዶ ማዒባኣ ዓሶይዳፓ ባሻሢ ዓይጎናዳይ? ዓቲንቶ ቤርቶ ቲቁፆ ካኣኩ ዓይጎ ማኣዳ"ይ? 2 ዓይሁዶ ዓሲ ማዒፆ ጎኔና ሚርጌ ጎይሢና ባሻያኬ፤ ዬይያ፡- ጾኑሲ ፔኤኮ ቃኣሎ" ዓይሁዶ ዓሶም ጉሙርቁ ዒንጌሢሮኬ።

2:24 ዒሲ. 52፥5። 2:29 ላሚ. ዋማ 30፥6።

3 ዓይሁድኮ ፔቴ" ፔቴ" ዓሳ ጉሙርቁንቱዋያ ማዒ ጴጴዳ፡- ዔያቶኮ ጉሙርቁንቱዋያ ማዒ ያኦሲ ጉሙርቁንቱዋያ ማሃ? 4 ፔቴ"ታዖ ማሁዋሴ!

«ኔ ጌሰታ ጌኤዛና ጎኔ ዓሲ ማዒ ኔና ሞኦታህ ኔ ለህጎዳኔ»

ጌይንቲ ያኦፒንቲህጉዲ ዓሲ ቢያ ሉኡቃያ ማዔቴያ ያኦሲ ጎኔ ጌሰታያኬ።

5 ጋዓንቲ ኦኡኮ ጎማ ያኦሲ ዓሉ"ሞ ፔጋሲ ዳዋያ ማዔቴ፣ ኦ ዋዚ ጋዓንዳይ? ያኦሲ ኦ ጎሞሮ ኦና ሜቶይዳ ዓጌቶ ፒዜ ዒ ዋጋያቱዋሴ ጌይህዳ? ዬያ ታ ዓሲ ማለህ ጎይህ ጋዓኔ። 6 «ያኦሲ ፒዜ ዋጋያቱዋሴ» ጋዓኒ ፔቴ"ታዖ ዳንዳዒንቲዋሴ፤ ያዲ ማዔቶ ያኦሲ ዓጮ"ይዳ ሃጊ ዋዲ" ዋጋንዳይ?

7 ጋዓንቲ ታኦኮ ሉኡዚ ዓሲ ማዒ ያኦሲኮ ጎኡሞ ፔጋሲ ቦንቾ ዴኤፑሞዋ ዳውዋያ ማዔቶ ዓካሪ ታኦኒ ሉኡዚ ዓሲ ማዒ ዋጊንታህ ዓይጌንዴሮዳይ? 8 ፔቴ" ፔቴ" ዓሳ፡- «ኮሺ ባኦዚ" ኦ ዴንቃኒ ፑርታ ባኦዚ" ኦ ማዶሞ» ጌዒ ጌዒ ታኦኒ ዔርዘያ ማለሲ ታና ደንካኔ፤ ዬያሮ ዔያቶ ዑፃ ዋጊንታንዳ ዴኤፃ ዋጋ ፒዜኬ።

ዓሲ ቢያ ጎሜና ማዒፃ

9 ዬያይዴቴ ኦኡኒ፣ ዓይሁድ ዓሳ ዓይሁድ ማዒባኦ ዓሰይዳፓ ባሻኔ ጌይህዳ? ፔቴ"ታዖ ያዲቱዋሴ! ዓይሁድ ዓሰ ማዔቴያ ዓይሁዴ ማዒባኦ ዓሳ ሐህ ዓሲ ቢያ ጎሜና ማዔህ ቤርታዲ ታ ኬኤዜኔ። 10 ጌኤዦ ማፃኦጎይዳ፡-

«ፔቴ"ታዖ ዓሉ" ዓሲ ባኦሴ፤

11 ዒኔና ጳቂህ ዓሲያ ባኦሴ፤

ዒናፓ ያኦሲ ኮዓ ዓሲ ፔቴ"ታዖ ባኦሴ።

12 ቢያህ ጎኡሞ ጎይፃፓ ዳቢ ዣኦኤ፤

ፔቴ"ታዖ ኮሺ ማዶ ማዳ ዓሲ ባኦሴ።

13 ዓሲ ባይዛ፣ ፑርታ ጌኤሲ ጌሰታኒ

ዳንጋ ዔያቶኮ ጉሪ ዴኡፒ ዔቴጉዲኬ፤

ዳንጋ ዔያቶኮ ጌሻያኬ፤

ጌኤዛ ዔያቶኮ ሾኦሺ ዳዓህጉዲኬ፤

14 ዳንጋ ዔያቶኮ ፑርታ ጋዳማ ሌሊ ጋዳንቃያኬ።

15 ዔያታ ዓሲ ዋዳኒ ሩራያኬ፤

16 ዔያታ ዳንዳ ቤዞ ቢያይዳ ባይሲንታና ሜቶናኮ ካራኬ።

3:4 ዓይኡ. 51:4። 3:12 ዓይኡ. 14:1-3፤ 53:1-3። 3:13 ዓይኡ. 5:9፤ 140:3። 3:14 ዓይኡ. 10:7።

17 ዎዲ" ኮሺ ናንጎንዶቲያ ዔያታ ዔሩዋያኩ።
 18 ፔቲ"ታዎ ያኦሲ ዔያታ ዒጊጨዋሴ» ጌይንቲ ያኦፒንቲ።
 19 ዎጎኮ ዓይሢያ ኮይሳሢ ዎጌና ዎርቃ ዓሲም ማዔሢ ኑ ዔራራ፤ ዩያ ዛሎ"ና ዓሳ ቶላ"ኒ ጎዎንዶ ባኦዚ" ባይዚ ዳንጎ ፔኤሲ" ዓርቃንዳኔ፤ ዓጫ" ቢያ ያኦሲ ቤርታ ዳቢንቲያ ማዓንዳኔ። 20 ዩያሮ ዓይጎ ዓሲያ ያኦሲ ቤርታ ሙሴ ዔርዜ ዎጎ ኩንሥሢና ዒሎ"ዋሴ፤ ዎጋ ዳዋሢ፡- ዓሲ ጎሜና ማዒያኩ።

ዓሲ ኪሪሰቶሴ ጉሙርቂሢና ዒሎ"ያ ማዒያ

21 ሐሢ ጋዓንቲ ያኦሲ ዓሲ ዒሎ"ጎ ጎይዎ ዎጋፓ ዲማዲ ጴዳኔ፤ ዩይያ፡- ሙሴ ዔርዜ ዎጎና ያኦሲ ማሊያ ኬኤዛ ዓሶ ዛሎ"ና ማርካዲንቲ። 22 ዩያሮ ያኦሲ ያናኦ ዲማሱዎዎ ዩሱሰ ኪሪሰቶሴ ጉሙርቂዞንሢም ቢያ ዒሎ"ም ዒንጋ። 23 ዓይጎሮ ጌዔቶ ዓሲ ቢያ ጎሜ ማዲ ያኦሲ ዔያቶም ዒንጌ ቦንቻፓ ዓቲ"ኔ። 24 ዩያሮ ዓሳ ዩሱሰ ኪሪሰቶሴ ማዲ ዳቂሺያ ማዲ"ና ያኦሲ ፔ ኮሹዎና ዒንጌ ዒንጊያና ዒሎ"። 25 ያኦሲ ዩሱሰ ኪሪሰቶሴ፡ ጎሞ ዛሎ ዒንጎ ባኦዚ" ማሢ ዒንጌሢ' ዒዛ ጉሙርቂሢ ቢያ ዒዛ ሱጉያና ዔያቶኮ ጎማፓ ማኦሪንቲሢ ዴንቃንዳጉዲኬ፤ ያኦሲ ዩያ ማዲሢ' ቤርታ ዓኦ ጎሞ ጊቢ" ዳንዳዒሢና ባኦያ ማሢ ፔኤኮ ዒሎ"ም ጎይዎ ዳዋኒኩ። 26 ሐሣኦ ዎዶ"ና ያኦሲ ዒሎ" ዎጋያ ማዒያ ዳዋሢ' ዩሱሴ ጉሙርቂዞንሢም ቢያ ዒሎ"ሲያናኩ።

27 ዓካሪ ኑኤኒ ሄርሺንታንዳ ባኦዚ" ዓይጌ ዓኦይ? ዓይጎናኦ ኑ ሄርሺንታ ባኦዚ" ባኦሴ፤ ኑ ሄርሺንቲዎኦሢ ዓይጎ ዛላናዳይ? ዎጎ ኑ ማዲ ኩንሣሢሮዳ? ዔይዔ፤ ኪሪሰቶሴ ጉሙርቂሢ ዎጌናኩ። 28 ዩያሮ ያኦሲ ዓሲ ዒሎ" ማሢ ዛጋሢ፡- ዎጌ ማዲ ኩንሢምቲዎንቲ ጉሙርቂቶ ማዔሢ ኑ ዔራራ። 29 ያኦሲ፡ ዓይሁዶ ዓሶ ያኦሲ ሌሊዳ? ዓይሁዶ ማዒባኦ ዓሶኮ ያኦሲቲዎዓዳ? ጎኔና ዓይሁዶ ማዒባኦ ዓሶኮዎ ያኦሲኩ። 30 ያኦሲ ፔቲ"ኬ፤ ዓይሁዶ ዓሶ ማዔቲያ ዓይሁዶ ማዒባኦ ዓሶ ኪሪሰቶሴ ጉሙርቂሢ ዛላና ዒሎ"ጎሢ ዒዛኩ። 31 ዓካሪ ኪሪሰቶሴ ጉሙርቂሢ ዛላና ዎጎ ኑ ባይዛኔ ጌይሢዳ? ያዲቲዎሴ! ባሼና ዎጎ ኑ ዲዲሺ ካካፓያኩ።

4

ዓብራሃሜኮ ያኦሲ ጉሙርቂያና ዒሎ"ያ

3:17 ዒሲ. 59፡7-8። 3:18 ዓይኑ. 36፡1። 3:22 ጋላ. 2፡16። 3:30 ላሚ. ዎማ 26፡4፤ ጋላ. 3፡20።

1 ዓካሪ፡ ኑኡኮ ዓዳሢ፡ ዓብራሃሜ «ዴንቁኔ» ኑ ጋዓሢ ዓይጌንዴዳይ? 2 ዓብራሃሜ ዋንዴ ዒሌ"ሢ ማደና ማዔያታቲ ዒ ሄርሺንታንዳ ባኣዚ" ዴንቃንዳያኮኔ፤ ጋዓንቲ ዒ ያኦሲ ቤርታ ሄርሺንታንዳ ዳንዳዑዋሴ። 3 ዓይጎሮ ጌዔቴ፡- «ዓብራሃሜ ያኦሲ ጉሙርቁሢሮ ጉሙርቁፃ ዒዛኮ ዒሉ"ሞ ማዒ ጋይዲንቲኔ» ጌይንቲ ፃኣፒንቲኔ። 4 ማደ ማደ ዓሲም ማደ" ዛሎ" ዒንገንታ ባካ ዒዛኮ ዋልቆ ዛሎ"ኮ፤ ጉሪ ዒንጎያቲዋሴ። 5 ዓሲ ኮሺ ባኣዚ" ማዲባኣያ ማዔቴያ ጎሞ ዓሶ ዒሊ"ሳ ያኦዛሢ ጉሙርቁቶ ጉሙርቁፃ ዒሉ"ሞ ማዒ ዒዛም ጋይዲንታንዳ። 6 ዓሲ ኮሺ ማደ ዛላሮቱዋንቲ ያኦሲ ጉሪ ዒሊ"ሳ ዓሲ ዓንጂንቲያ ማዒያ ዳውቲ ዔርዛያ፡-

7 «ዳቢንታ ዓቶም ጌይንቲዘንሢሃና

ጎሞዋ ሐሾ"ና ዓሳ ዓንጂንቲያኮ!

8 ያኦሲ ጎሞ ዒዛኮ ዓርቁባኣ ዓሢ ዓንጂንቲያኮ!» ጌዔኔ።

9 ዓካሪ ዬይ፡ ዳውቲ ኮኤኤ፤ ዓንጂ ዓቲንቶ ቤርቶ ቲቁንቲ ዓሶም ሌሊሞ? ቲቁንቲባኣ ዓሶማኣ ኮኤኤይ? ቲቁንቲባኣዘንሢሃማኣ ኮኤኤኔ። ዓይጎሮ ጌዔቴ፡- «ዓብራሃሜ ያኦሲ ጉሙርቁሢሮ ጉሙርቁፃ ዒዛኮ ዒሉ"ሞ ማዒ ዒዛም ጋይዲንቲኔ» ኑ ጌዔኔ።

10 ዓብራሃሜኮ ጉሙርቁፃ ዒሉ"ሞ ማዒ ጋይዲንቲሢሃ ዓይዴዳይ? ዓቲንቶ ቤርቶ ቲቁንቶኮ ቤርታሞ? ጌንፃኣዳይ? ዓቲንቶ ቤርቶ ቲቁያኮ ቤርታኮ፤ ጌንፃኣቲዋሴ። 11 ዓብራሃሜ ዓቲንቶ ቤርቶ ቲቁንታንዳሢኮ ቤርታ ዒዛኮ ጉሙርቁፃ ዒሉ"ሞ ማዒ ዒዛም ጋይዲንቲሢሃ ዔርዛንዳ ማላታ ማዓንዳጉዲ ዓቲንቶ ቤርቶ ዒ ቲቁንቲኔ፤ ዬያሮ ዓብራሃሜ ዓቲንቶ ቤርቶ ቲቁንቲዋያ ጉሙርቃዘንሢሃና ጉሙርቁፃኣ ዒሉ"ሞ ማዒ ጋይዲንታዘንሢሃኮ ቢያ ዓደኮ። 12 ዬያጉዲ ሃሃ ዓብራሃሜ ዓቲንቶ ቤርታ ቲቁንቲዘንሢሃኮዋ ዓደኮ፤ ዓቲንቶ ቤርቶ ቲቁንቲዘንሢሃኮ ዓደ ማዔ ጎይፃ ዔያቶኮ ዓቲንቶ ቤርቶ ቲቁንቶና ሌሊቲዋንቲ ዒዚ ዓቲንቶ ቤርቶ ቲቁንቶኮ ቤርታ ዓኣ ዒዛኮ ጉሙርቁፃጉዴያ ዔያታ ጉሙርቁሢሮኮ።

13 ዓብራሃሜ ፔ ዜርያና ዓጮ" ዳካላንዳያታሢ ያኦሲ ዒዛም ሃገ ማዓንዳ ዋዛ ዒንጌኔ፤ ዬይ ዋዛ" ጴዳሢ" ዓብራሃሜ ዋጎ ኩንሢሢሃሮቲዋንቲ ጉሙርቁሢሮና ጉሙርቁፃኣ ዒዛም ዒሉ"ሞ ማዒ ጋይዲንቲሢሃሮኮ። 14 ዬያ ሐገ ማዓንዳ ዋዛ" ዴንቃንዳዘንሢሃ ዋጎ ካፓ ዓሶ ማዔቴ ጉሙርቁሢሃ ፓሡዋ ባኣዚ" ማዓኔ፤ ዒንገንቲ ዋዛ"ኣ ጉሪ ማዓኔ ጌይሢኮ። 15 ዋጌ ያኦሲ ጎሪንቲ ዔኪ ዬዓኔ፤

4:3 ማዢ. ማፃ 15፡6፤ ጋላ. 3፡6። 4:8 ዓይኑ. 32፡1-2። 4:11 ማዢ. ማፃ 17፡10። 4:13 ማዢ. ማፃ 17፡4-6፤ 22፡17-18፤ ጋላ. 3፡29። 4:14 ጋላ. 3፡18።

ዋጊባኣያ ማዕቶ ጋዓንቴ ዋጊኮ ዑሣ ዓኣዲ ደቦ ደቢንቴ ባኣያ ማዓንዳኔ።

16 ሃጊ ማዓ ዋዞ"ኮ ዓይፃ ጉሙርቁሂኬ፤ ዬያሮ ዓብራሃሜ ዜርፃ ቢያ ዬያ ዔርቴ ዋዞ" ጾኦሲኮ ኮሹሞ ዒንጊያና ዴንቃንዳኔ፤ ዬይያ፡- ዋጎ ዛሎ"ና ሂላ"ዘንሂም ሌሊቱዋንቴ ዓብራሃሜጉዲ ጉሙርቁያና ሂላ"ንዳዘንሂሚያ ማዓንዳኔ፤ ዓብራሃሜ ጉሙርቁያ ዛሎ"ና ኑና ቢያሂኮ ዓዶ ማዕሚርኬ። 17 ዬይ ያዲ ማዕሚ፡- «ሚርጌ ዳሬኮ ታ ኔና ዓዶ ማሄኔ» ጌይንቴ ፃኣፒንቴ ጎይያናኬ። ዬያሮ ዓብራሃሜ ጉሙርቁያ ጾኦዛሂ፤ ሓይቁሂያ ዔቁሳሂና ባኣ ባኮዋ ዓኣያ ማዓንዳጉዲ ማሃ ጾኦዛሂኮ ቤርታ ሃጊ ማዓ ዋዞ" ዒዘኮ ዶዲኬ። 18 ዓብራሃሜ ጉሙርቁሂና ሃጊ ማዓ ዋዞ ጌህሂሂ፤ ዓይጎ ባኣዚ"ያ ሃጊ ማዓ ዋዞ ማሆንዶ ባኣዚ" ባኣያይዳኬ፤ ዬያሮ፡- «ዜርፃኔኤኮ ዬያጉዲ ሚርጋንዳኔ» ጌይንቴ ፃኣፒንቴ ጎይያና ሚርጌ ዳሬኮ ዒ ዓዶ ማዕኔ። 19 ሌዓ ዒዘኮ ፃኤታ ሄላ"ያ ማዕ፡ ጋርቹ ዓሲታፃ ዒዘንታ ማቾ ሳኣራንታ ጋርቹ ሾዒኒ ዳንዳዑዋኣሂ ዔሬቴያ ጾኦሲ ጉሙርቁያ ዒ ሹሌዒሲባኣኤ። 20 ጉሙርቁያና ዒዚ ዶዲ ጾኦሲ ቦንቹያጋቲም ጾኦሲ ዒንጌ ሃጊ ማዓ ዋዞ"፡- «ማዓያሞ ማዑዋያዳይ?» ጌይ ማሊባኣኤ። 21 ዓይጎር ጌዔቴ ጾኦሲ ዒዘም ዒንጌ ዋዞ" ከንህኒ ዳንዳዓሂ ዒ ዔሬሂርኬ። 22 ዓብራሃሜኮ ጉሙርቁያ ሂላ"ሞ ማዒ ፓይዲንቴሂ ዬያናኬ። 23 ጋዓንቴ፡- «ሂላ"ሞ ማዒ ዒዘም ፓይዲንቴኔ» ጋዓ ቃኣላ" ፃኣፒንቴሂ ዓብራሃሜም ሌሊቱዋንቴ፤ 24 ኑማኣ ማዓያኬ፤ ጎዳ ዬሱሴ ሃይባ"ጋ ዔቁሴ ጾኦዛሂ ኑ ጉሙርቁሂር ኑማኣ ኑ ጉሙርቁያ ሂላ"ሞ ማዒ ፓይዲንታንዳኔ። 25 ዬይ፡ ኑ ጎዳሂ፤ ዬሱሴ ኑ ጎሞር ሃይቢም ዓኣሂንቴ ዒንጊንቴሂና ኑናኣ ሂሊ"ሳኒ ሃይባ"ጋ ዔቁሂኬ።

5

ጉሙርቁሂና ጴዳ ኮሹሞና ዋዞና

1 ዓካሪ፡ ኑኡኒ ሂላ"ሞ ዳንቁሂ ጉሙርቁሂና ማዕሚር ኑ ጎዳ ዬሱሴ ኪሪሰቶሴ ዛሎ"ና ጾኦሲና ዋላ" ኑኡኮ ኮሹሞ ዓኣኔ። 2 ዒዘ ዛሎ"ና ሃሂ ኑ ዓኣ፤ ጾኦሲኮ ኮሹሞ ዒንጊያይዳ ጉሙርቁሂና ኑ ጌላኒ ዳንዳዔኔ፤ ጾኦሲና ዋላ" ቦንቹንታያ ኑ ማዓንዳሂር ሃጊ ማዓንዳ ዋዞና ኑ ዋዞዳኔ። 3 ዬያና ሌሊቱዋንቴ ኑኡኮ ሜታሂናኣ ኑ ዋዞዳኔ፤ ዓይጎር ጌዔቶ ሜቶይዳጋ ዶዲሞ ጴዳያታሂ ኑ ዔሬኔ፤

4:16 ጋላ. 3፡7። 4:17 ማኸ. ማፃ 17፡5። 4:18 ማኸ. ማፃ 15፡5።
4:19 ማኸ. ማፃ 17፡17። 4:25 ዒሲ. 53፡4-5።

4 ደዲህህ ማቶ ዳንዳዔያ ማዕረህ ሴርዛኔ፤ ዩካፓ ሃጊ ማዓንዳ ዎዛ ጴዳኔ። 5 ኑሞ ዒንጊንገቴ ዓያኖ ጌኤዠ ዛሎ"ና ያኦሲ ናሹማ ዒና" ኑኡኮ ማርጌና ዓኣሚሮ ዒ ሃህሂ ዒንጌ ሃጊ ማዓንዳ ዎዛ" ኑና ቦርሲሱሞሴ።

6 ቤርታ ኑ ላቤ"ያ ማዒ ዓኣንገቴ ያኦሲ ማሊ ጌህሃ ዎደ"ና ኪሪሰቶሴ ጎሞ ዓሶ ዛሎ" ሃይቄኔ። 7 ዲሎ" ዓሲ ዛላሮ ጌዒ ሃይቃንዳ ዓሲ ዴንቃኒ ማርጌ ማቶኬ፤ ጋዓንገቴ ኮሺ ዓሲ ዛላ ሃይቃኒ ጫርቃይ ጎዖንገቴ ጴዳንዳያ ናንዳኔ። 8 ጋዓንገቴ ኑኡኒ ጎሜናታንገቴ ኪሪሰቶሴ ኑ ዛሎ" ሃይቄኔ፤ ዩይያ፡- ያኦሲ ኑና ናሽካ ናሹማ ኮሺ" ዴኤፒ ማዕረህ ሴርዛኔ። 9 ዓካሪ፡ ኑኡኒ ዲሎ"ህሂ ዩሱሰ ኪሪሰቶሴ ሱኑዮ ዛሎ"ና ማዕቲ፥ ባሹና ያኦሲ ጎሪ"ንታፓ ኑ ዓታንዳህሂ ዒዛ ዛሎ"ናኬ። 10 ኑኡኒ ያኦሲና ሞርኬ ማዒ ዓኣዖ ዒዛኮ ናዒህ ሃይሎ"ና ዒዛና ዎላ" ኑ ቡኬኔ፤ ሓህያ ኑኡኒ ያኦሲና ዎላ" ቡኬህኮ ጊንፃ ዒዛኮ ናዒህ ናንጎ ዛሎ"ና ባሹ ኑ ዳቃንዳኔ። 11 ዩያ ሌሊቱዋንገቴ ኑና ቡኩሴ፥ ዩሱሰ ኪሪሰቶሴ ዛሎ"ና ያኦሲ ማዴ ባኮሮ ኑ ዎዛዳኔ።

ሓይቢ ዓዳኣሜና ናንጊ ኪሪሰቶሴና ሙኪዖ

12 ፔቴ" ዓሲ ዛላና ጎሜ ዓጮ" ጌሌም፥ ጎሜ ዛላና ሓይቢ ሙኬኔ፤ ዩይያ፡- ዓሲ ቢያ ጎሜ ማዴህሮ ሓይቢ ዓሲ ቢያ ሄሌ"ኔ።

13 ዎይቲ ጌዔቴ ሙሴኮ ዓሶ ዎይሃ ዎጋ ዒንጊንታንዳህኮ ቤርታ ጎሜ ዓጮ" ዓኣኔ፤ ማዕቲያ ዎጌባኣ ዎዴና ጎሜ ጎሜኬ ጌይንገቴዎሴ። 14 ጋዓንገቴ ዓዳኣሜጉዲ ዎጌ ዳቢ ጎሜ ማዴባኣዘንህሂያ ዓይሱዋዖ፥ ሓይቢ ዓዳኣሜፓ ዓርቂ ሙኪ ሙሴ ሄላ"ንዳኣና ዓሲ ቢያይዳ ቢታንቶ ዴንቄኔ።

ዩይ ዓዳኣሜ ሃጊ ሙካንዳ ኪሪሰቶሴኮ ማላታ ማዕኔ። 15 ጋዓንገቴ ያኦሲኮ ኮሹሞ ዒንጊፃ ዓህኮ ጎሞይዳፓ ባሹኬ፤ ፔቴ" ዓሲ ጎሜ ዛላና ማርጌ ዓሲ ሃይቄህጉዲ ያኦሲኮ ኮሹሞ ዒንጊያ ማዕ፥ ፔቴ" ዩሱሰ ኪሪሰቶሴ ዛሎ"ና ጴዴ ዒንጊፃ ማርጌ ዓሶም ዑሃ ዓኣህሂ ዒንጊንገቴ። 16 ዩያጉዲ ያኦሲኮ ኮሹሞ ዒንጊያኮ ዓኣፓ ዓህኮ ጎሞ ዓኣፓፓ ባሹኔ፤ ፔቴ" ዓሲ ጎሜ ዛላ ዒንጊንገቴ ዎጌ ማቶ ዒኪ ሙኬኔ፤ ማርጌ ጎሞ ዛሎ"ና ዒንጊንገቴ ያኦሲ ኮሹሞ ዒንጊፃ ጋዓንገቴ ዲሎ"ሞ ዒኪ ሙኬኔ። 17 ፔቴ" ዓሲ ዳቢንገቴ ዛላና ሓይቢ ዓሲ ቢያይዳ ቢታንቶ ዴንቄኔ፤ ጋዓንገቴ ዩያፓ ዩሱሰ ኪሪሰቶሴ ማዴህሂ ባሹኬ፤ ዩይያ፡- ፔቴ" ዩሱሰ ኪሪሰቶሴ ዛሎ"ና ያኦሲኮ ማርጌ ኮሹሞ ዒንጊያ ዴንቄ ዲሎ" ዓሳ ቢያ ሃይቢ ባሺ ናንጊና ናንጋንዳኔ።

5:12 ማኸ. ማፃ 3:6።

18 ዓካሪ፡ ፔቴ" ዓዳኣሜ ጎማ ሜቶዎን ዓሲ ቢያይዳ ዔኪ ሙኪያ ማዕቴያ፡ ፔቴ" ኪሪሰቶሴኮ ጂሎ"ሞ ማዳ" ሚርጌሢ ሜቶይዳፓ ኬሲ" ናንጊ ዲንጋንዳኔ። 19 ዓዳኣሜኮ ዓይሢንቱዎዎ ዓቲዎ ዛሎ"ና ሚርጌ ዓሳ ጎሚና ማዕሢጉዲ፡ ኪሪሰቶሴኮ ዓይሢንቲዎ ዛሎ"ና ሚርጌ ዓሳ ጂሎ"ንዳኔ።

20 ዎን ሙኪያና ዳቢንቲ ሚርጌኔ፤ ጋዓንቲ ዳቢንታ ሚርጌሢዳፓ ያኦሲኮ ኮሹሞ ዲንጊፃ ዑሣ ዓኣዴ ሚርጌኔ። 21 ዬይ ያዲ ማዕሢ' ጎሜ ሃይቢ ዛላና ካኣታዴሢጉዲ ያኦሲኮ ኮሹሞ ዲንጊፃ ኑ ጎዳሢ ዬሱሰ ኪሪሰቶሴ ዛሎ"ና ጴዳ ናንጊና ናንጊ ጂሎ"ሞ ዔኪ ሙኪሢና ካኣታዳንዳጉዲኬ።

6

ጎሜይዳፓ ሃኪ ኪሪሰቶሴና ናንጊሢ

1 ዓካሪ ኑ ዎዚ ጎዎንዳይ? ያኦሲኮ ኮሹሞ ዲንጊፃ ኑሞ ሚርጋንዳጉዲ ጎሜ ማዲ ማዲ ናንጎንዳ? 2 ፔቴ"ታዎ ዬይ ኮይሱሞሴ! ኑኡኒ ሃይቢና ዲማዳሢጉዲ ጎሜይዳፓ ዲማዳዎ ጊንሣ ዎይቲ ኑ ጎሜ ማዲ ማዲ ናንጋንዳይ? 3 ዬሱሰ ኪሪሰቶሴና ዎላ" ፔቴ" ማዓኒ ኑ ዎኣዎ ማሰቲ ዓሳ ቢያ ዲዛኮ ሃይቦ"ና ፔቴ" ማዓኒ ዎኣዎና ማሰቲሢ ዲንሢ ዔሩዎዓዳ? 4 ዎኣዎ ማሰቲዎና ዲዛና ዎላ" ኑ ዲኡቲ ዎድ"ና ዲዛና ዎላ" ኑ ሓይቄያ ማዕኔ፤ ዬያሮ ኪሪሰቶሴ ዓዳኮ ቦንቾና ሓይባ"ፓ ዔቄሢጉዲ ኑኡኒያ ዓኪ ናንጊ ናንጋንዳኔ።

5 ኑኡኒ ሓይቄ ዲዛና ዎላ" ፔቴ" ማዕቴ፡ ሓይባ"ፓ ዔቄዎና ዲዛና ዎላ" ኑ ፔቴ" ማዓንዳኔ። 6 ኑኡኮ ቤርታኣ ናንጋ ላኣሚንቲሞ ጎሜኮ ካራሚ ማዒፃ ዓታንዳጉዲ ቤርታኣ ናንጋ ኑኡኮ ኪሪሰቶሴና ዎላ" ሱዊንቲሢ ኑ ዔራኔ። 7 ጎሜኮ ሓይቄ ዓሲ ዑሰካ ቢታንቶ ባኣኔ። 8 ዓካሪ ኑኡኒ ኪሪሰቶሴና ዎላ" ሓይቄቲ ዲዛና ዎላ" ናንጊና ናንጋንዳሢ ኑ ጉሙርቃኔ፤ 9 ኪሪሰቶሴ ሓይባ"ፓ ዔቄሢሮ ላሚ ሓይቄንዱዎኣሢና ሓይቢኮዎ ዲዛይዳ ቢታንቶ ባኣሢ ኑ ዔራኔ። 10 ዲዚ ሓይቄ ዎድ"ና ጎሜኮ ዲዛ ዑፃ ቢታንቶ ባኣያ ማዓንዳጉዲ ጋፒንሢ ፔቴ"ና ዲ ሓይቄኔ፤ ሓሢ ዲ ሹሞፔና ማዒ ናንጋሢ ያኦሲሞኬ። 11 ዓካሪ ሓሢ፡ ዲንሢዳ ጎሜኮ ቢታንቶ ባኣሢና ዬሱሰ ኪሪሰቶሴ ዛሎ"ና ያኦሲሞ ሹሞፔና ዓኣያ ማዒ ዲንሢ ናንጋያታሢ ማሉዎቲ።

12 ዬያሮ ጎሜ ፔኤኮ ፑርቶ ማሊዎ ዲንሢ ኩንሢሱዎጉዲ ዲንሢኮ ሃይቃ ዑይይዳ ጎሜ ቢታንታንዳጉዲ ማሂፖቴ፤ 13 ዲንሢኮ ዲማዲማ ዑይ ፑርታ ባኣዚ" ማዳያ ማሂ ጎሜሞ ዲንጊፖቴ፤ ጋዓንቲ

6:4 ቆላ. 2፡12።

ሃይቢፓ ዲንሢ ሴቄ ጎይያና ዲንሢ ያኦሲም ዲንጉዋቱ፤ ሃሣ ዲንሢከ ዲማ ዲማ ፀ-ያዋ ቢያ ያሎ" ማዶ ማዳንዳጉዲ ያኦሲም ዲንጉዋቱ።
14 ዓይጎር ጌዔቲ ሃሣ ዲንሢ ናንጋሢ ያኦሲኮ ኮሹዋ ዲንጊያ ዴማ" ማዳንዳጎዳቲዋ ዋጌ ዴንካቱዋአሢር ጎሜ ዲንሢ ዋይሢኒ ኮይሱዋሴ።

ዲሎ"ዋ ካራሚ ማዲሢ

15 ዓካሪ ኑ ዋዶ"ንዶይ? ዋጌ ዴማ" ማዲያ ዓቲዋ ያኦሲኮ ኮሹዋ ዲንጊያኮ ዴማ" ኑ ማዴያታሢር ጎሜ ኑ ማዶም ጌይሢዳ? ዩይ ፔቲ"ታዎ ማዳዓኬ! 16 ፔቲ" ዓሲም ዲንሢ ማዶኒ ዓይሢንታኦና ዩያ ዲንሢ ዓይሢንታ ዓሢም ካራሚ ማዴሢ ዲንሢ ሴራኔ፤ ዩያጉዲ ጎሜም ዲንሢ ዓይሢንቲቲ ሓይቢ ዔኪ ሙካ፣ ጎሜኮ ካራሚ ዲንሢ ማዳንዳኔ፤ ያኦሲም ዓይሢንቲቲ ጋዓንቲ ዲሎ"ዋ ዲንሢ ዴንቃንዳኔ። 17 ዲንሢ ቤርታ ጎሜኮ ካራሚኬ፤ ሓሢ ጋዓንቲ ዋይዚ ዔኬ ዔራቶ"ም ዲናፓ ዲንሢ ዓይሢንታሢር ያኦሲ ጋላታ ሂሎ"ንጎ። 18 ጎሜ ካራሙዋይዳፓ ኬሰኪ ዲሎ"ዋኮ ካራሚ ዲንሢ ማዴኔ። 19 ታኦኒ ሃያ ዲንሢም ዔርታንዳ ጎይሢና ኬኤዛሢ" ዲንሢኮ ማሊያ ላቤ"ያታሢርኬ፤ ሃያኮ ቤርታ ዲንሢኮ ፀ-ያ ዲኢቲ ባኦዚ"ና ፑርታ ማዶናም ማሂ ዲንሢ ዲንጌሢጉዲ ሓሢ ዲንሢኮ ዲማ ዲማ ፀ-ያ ያኦሲም ዲማዴያ ማዳንዳጉዲ ዲሎ"ዋኮ ካራሚ ማሂ ዲንጉዋቲ።

20 ዲንሢ ጎሜኮ ካራሚ ማዲ ዓኦ ዋዶ"ና ዲሎ"ዋም ዲንሢ ማዳንዳሢ ዲንሢም ዔርቲባኦያኬ። 21 ሂዳዎ ዩና ዋዶ"ና ዓይጎ ዲንሢ ፓሢ ባኦዚ" ዴንቄይ? ሓሢ ዲንሢ ቦርሲጎ ባኮይዳፓ ዓታዛ፣ ዓይጎዋ ፓሢ ባኦዚ" ዲንሢ ዴንቄባኦሴ፤ ዩያ ባኮኮ ጋፒንፃ ሃይቢኬ። 22 ሓሢ ጋዓንቲ ጎሜኮ ካራሙዋይዳፓ ዲንሢ ኬሰኪ ያኦሲ ካራሚ ማዴሢር፣ ያኦሲም ዲማዴያ ዲንሢ ማዳንዳኔ፤ ያኦሲም ዲማዲያኮዋ ጋፒንፃ ናንጊና ናንጊኬ። 23 ዓይጎር ጌዔቲ ጎሜይዳፓ ጰዳ ባኦዚ" ሓይቢኬ፤ ያኦሲዳፓ ዲንጊንታ ዲንጊያ ጋዓንቲ ኑ ጎዳሢ፣ ዩሱሰ ኪሪሰቶሴ ዛሎ"ና ጰዳ ናንጊና ናንጊኬ።

7

ዔፒና ኮኦኪንሦና ባኦዚ"

1 ታ ዲሾንሦ! ታ ሚሾንሦ! ቢያሢ ዲንሢ ዋጌ ዔራያታሢር ዋጌ ዓሲዳ ቢታንቶ ዴንቃሢ ዓሲ ሹምፖና ዓኦ ዋዶ"ማና ሌሊታሢ ዲንሢ ዔራኔ። 2 ኮኦኪንሢና፡- ፔቲ" ሎዔ ላኦሊ ዓኒና ዋላ" ሹምፔና ናንጋ ዋዶ"ይዳ ዒዛና ዋላ" ዋጌና ቱኡቲ"ያኬ፤ ዓኒ ዒዛኮ ሃይቄቶ ጋዓንቲ ዒዛ ቱኡቲ" ዋጎይዳፓ ኬሰኬያ ማዳኔ። 3 ዩያር ዓኒ ዒዛኮ ሹምፔና ዓኦንቲ ሜሌ" ዓቲንቄም ዒዛ ሎዔቲ ዓኒ

ማዕባእያና ላሄኔ ጌይንታኔ፤ ዓሊ ሃይቁቶ ጋዓንቴ ዒዛና ዋላ" ዒዛ ቱኡቴ" ዋጎይዳፓ ኬሰኬያኬ፤ ማሌ" ዓሰም ዒዛ ሎዔቴ ዓሊ ማዕባእያና ላሄኔ ጌይንታዓኬ። 4 ዒሽንሢጥቴ! ዒንሢ ባካ ዬያጉዴያኬ፤ ዒንሢ ከሪሰቶሴ ዑያኮ ዲማ ዲማ ቤዘ ማዔሢሮ ሓይቢና ዲማዲሢጉዲ ሙሴ ዋጋ"ፓ ዒንሢ ዲማዴኔ። ዬያሮ ያኦሲ ማዶ"ም ዓኣፒ ኑ ዓኣፓንዳጉዲ ሃይቦ"ይዳፓ ዔቁ፣ ከሪሰቶሴሮ ዒንሢ ማዔኔ። 5 ዋይቲ ጌዔቴ ጎሞ ማሊያና ኑ ናንጋ ዋዶ"ና ዋጎ ዛሎ"ና ማዲንታ ፑሮቶ ማሊያ ሓይቢ ዓኣፒ ኑ ዓኣፓንዳጉዲ ኦኡኮ ዲማ ዲማ ዑያይዳ ማዳኔ። 6 ሓሢ ጋዓንቴ ቤርታ ቱኪ" ኑና ዓኣ ዋጎይዳፓ ሓይቢና ዲማዲሢጉዲ ኑ ዲማዴያ ማዔሢሮ ዋጎ ቱኡዛፓ ኑ ኬሰኬኔ። ዬያሮ ሃካፓ ሴካ ኦኡኪ ማዲሢ ዓኪ ማዔ ዓያና ዓይሢያጉዲኬ፤ ሚና ቤርታ ፃኣፒንቴ ጨንቁ ዋጋ" ዓይሢሢ ጎይያቱዋሴ።

ዋጌና ጎሜና ዛላ

7 ዓካሪ ኑ ዋዚ ጎያንዳይ? ዋጌ ፔ ቶኦኪና ጎሜኬ ጌይሢዳ? ፔቴ"ታያ ያዲቱዋሴ! ጋዓንቴ ጎሜ ዓይጎ ማዔቴያ ታ ዔራንዳጉዲ ማሄሢ ዋጌኬ። ዋይቲ ጌዔቴ ዋጋ"- «ዓሲሮ ዛጊ ሱኡካዲፖ» ጌዒባእያታቴ፣ «ሱኡካዲሢ» ዓይጎታቴያ ታ ዔራንዳጉዲያታንቴኬ።

8 ጎሜ ሱኡኬ ቢያ ታ ሱኡካዲንዳጉዲ ማሄሢ ዋጌይዳፓ ሙኬ ዓይሢያ ዛሎ"ናኬ፤ ዋጌባእቶ ጋዓንቴ ጎሜ ሓይቁ ባኣዚ"ኬ። 9 ዋጌ ታ ናንጎይዳ ሓጊ ቢታንቶ ዴንቁባኣንቴ ዋጎኮ ዓይሢያ ታ ዔራዛ ጎሜ ሽምፖ ዴንቁኔ፤ 10 ታኣኒ ሓይቁኔ፤ ናንጊና ናንጊ ዒንጋንዳጉዲ ዒንጊንቴ ዋጎኮ ዓይሢያ ታኣም ሓይቢ ዔኪ ሙኬኔ። 11 ዋይቲ ጌዔቴ ዋጌኮ ዓይሢያ ዛሎ"ና ጎሜ ካራ ዴንቁ ታና ጌሺ ዓይሢሢና ዋዴኔ።

12 ዬያሮ ዋጌ ያኦሲም ዲማዴያኬ፤ ዓይሢሢያ ዲማዴያ፣ ጌኡሺ ሓሢ ኮሺኬ። 13 ሂዳያ ዬይ ኮዢ ባካ ታኣም ሃይቢ ዔኪ ሙኬኔ ጌይሢዳ? ያዲቱዋሴ! ሓይቢ ታኣም ዔኪ ሙኬ ባካ ጎሜኬ። ጎሜ ዓይጎታቴያ ዔርታንዳጉዲ ኮሺ ማዔ ባኬሎ ካራ ማሂ ዬይ ሃይቢ ታኣም ዔኪ ሙኬኔ። ዬያሮ ጎሞኮ ፑሮቱማ ዔርታሢ ዋጌኮ ዓይሢያ ዛሎ"ናኬ።

ዓሲ ናንጊዳ ዓኣ ማሹምቦ

14 ዓካሪ ዋጌ ዓያና ባኣዚ" ማዔሢ ኑ ዔራኔ፤ ታኣኒ ጋዓንቴ ጎሜኮ ካራሚ ማዓኒ ሻንቺንቴያ፣ ጎሜ ማሊሢ ታና ዋይሢያኬ። 15 ታኣኒ

7:7 ኬሲ. ማፃ 20፣17፤ ላሚ. ዋማ 5፣21። 7:11 ማኹ. ማፃ 3፣13።

ማዳ ባኮ ታ ዔሩቀሴ፤ ዓይጎሮ ጌዔቴ ናሽካ ባኮ ታ ሐሺ"፤ ታ ዒፃ ባኮ ማዳኔ፤ 16 ዓካሪ፤ ታኣኒ ማዳሢ ታ ኮዑቀ ባኣዚ" ማዔቴ ዋጌ ኮሺ ማዔሢ ታ ማርካዳኔ። 17 ታ ማዳኒ ኮይሱቀ ባኮ ማዳሢ ታ ጊደይዳ ዓኣ ጎሞ ማዓንዳኣፓዓቴም ታናቴቀሴ። 18 ታ ጊደይዳ ሓሣ ታኣኮ ጎሞ ማሊያይዳ ዓይጌያ ኮሺ ባኣዚ" ባኣሢ ታ ዔራኔ፤ ዓይጎሮ ጌዔቴ ዓይጎ ኮሺ ባኣዚ" ታ ማዳኒ ማላቶቀ ዬኖ ኮዦ ማዳ"ሎ ታ ማዳኒ ዳንዳዑቀኣሢ። 19 ማዳኒ ታኣም ኮይሳ ኮዦ ማዳ" ታ ማዳቀሴ፤ ጋዓንቴ ታ ኮዑቀ ፑርታ ማዳ ታ ማዳኔ። 20 ዓካሪ ማዳኒ ታኣም ኮይሱቀ ፑርቶ ማዳ" ማዳያ ታ ማዔቴ ዬያ ማዳሢ ታ ጊደይዳ ዓኣ ጎሞ ማዓንዳኣፓዓቴም ታናቴቀሴ ጌይሢኬ።

21 ዬያሮ ፔቴ" ዋጌ ማዳ ማዳ ዓኣሢ ታ ዛጋኔ፤ ዋይቴ ጌዔቴ ታ ኮሺ ባኣዚ" ማዳኒ ኮዓ ዋዶ"ና ፑርታ ባኣዚ" ሌሊ ማዳንታኔ። 22 ታኣኮ ጋሮ ዒና" ጋዓንቴ ያኦሲ ዋጎና ዋዛዳኔ። 23 ማዔቴያ ታኣኮ ማሊያ ዋጎና ዋላ" ካኣም ዒፃ፣ ታኣኮ ደማ ደማ ዑያይዳ ማዳ ጎሞ ዋጎና ዲዒንቴያ ታና ማሃ ሜሌ" ዋጌ ታ ጋራ ዓኣሢ ታ ዛጋኔ። 24 ዬያሮ ታ ዋዚጉዳ ላኣፓ ዓሲዳይ! ሐያ ታና ሓይቢም ዔኪ ደንዳ ዓሽኮይዳፓ ያ ታና ዓውሳንዳይ? 25 ያኦሲም ጋላታ! ዬሱሰ ኪሪሰቶሴ ዛሎ"ና ዬያ ዒ ማዳሢ።

ዓካሪ ታኣኒ ማሊያና ያኦሲ ዋጌም ዋርቃያ ማዓዛ፣ ጎሞ ማሊያና ጋዓንቴ ጎሜ ዋጌም ዋርቃያ ታ ማዓኔ።

8

ዓያና ጌኤሺና ጴዳ ናንጊ

1 ዓካሪ ሃሢ ዬሱሰ ኪሪሰቶሴና ፔቱም ዓኣዞንሢ ናንጊና ፑርታ ዋጌና ዋጊሳ ባኣዚ" ባኣሴ። 2 ዓይጎሮ ጌዔቴ ዬሱሰ ኪሪሰቶሴ ዛሎ"ና ናንጊ ዒንጋ ዓያና ጌኤሺ ዋጌ፡- ጎሜና ሓይቢ ዋጌናኮ ዓይላቶይዳፓ ታና ኬሴ"ኔ። 3 ዓሲኮ ላቤ" ማሊያይዳፓ ዔቁያና ዋጋ" ኑና ፃሊ"ሳኒ ዳንዳዒባኣታንቴ ያኦሲ ማዳኔ፤ ያኦሲ ፔ ናፖ ኑና ጎሞ ዓሲ ማሊሲ ኑ ጎሞ ዛሎ" ዳኪ ኑኡኮ ጎሞ ማሊያ ናንጊና ዋጊ ባይዜኔ። 4 ዬያ ዒ ማዳሢ ዓሲ ማሊሢናቴቀንቴ ዓያና ማሊሢና ሃንታ ዓሶ፣ ኑጊዳ ፒዜ ማዔ ዋጎ ዓይሢፃ ማዳንቴ ኩማንዳጉዲኬ። 5 ዓሲ ማሊሢና ናንጋዞንሢ፡- ዓሲ ባኣዚ"፤ ዓያና ማሊሢና ናንጋዞንሢ ጋዓንቴ ዓያና ባኣዚ" ማላኔ። 6 ዓሲ ባኣዚ" ማሊሢ ሓይቢ ዔኪ ሙካኔ፤ ዓያና ባኣዚ" ማሊሢ ጋዓንቴ ሹምፖና ኮሹሞና ዒንጋኔ። 7 ዓይጎሮ ጌዔቴ ዓሲ ባኣዚ" ዛላ ማላ ዓሲ ያኦሲ

7:15 ጋላ. 5፣17።

ዎንም ዓይሢንቱዎን ሐሣ ዓይሢንታኒያ ዳንዳዑዎን፡ ያኦሲኮ ሞርኬ ማዓኔ። 8 ዓሲ ማሊሢ ማሊ ሃንታዞንሢ ያኦሲ ዎዛሳኒ ዳንዳዑዎሴ።

9 ዓኒሣ ጋዓንቱ ያኦሲኮ ዓያና" ዓኒሣዳ ዓአቶ ዓያናና ማዓንዳፓዓቱም ዓሲ ማሊሢና ዓኒሣ ስንጋዓኬ፤ ኪሪሰቶሴ ዓያና" ባአ ዓሲ ኪሪሰቶሴ ዓሲቱዎሴ። 10 ኪሪሰቶሴ ዓኒሣ ጋራ ማዕቲ፣ ዎዚ ዓኒሣኮ ዑፃ ጎሜ ዛላና ሐይቃያ ማዕቲያ ያኦሲ ዓኒሣ ዒሊ"ሴሢሮ ዓያና" ዓኒሣኮ ስንገና ስንጋያኬ፤ 11 ዬሱሴ ሐይባ"ፓ ዔቂሴ፣ ያኦሲ ዓያና" ዓኒሣዳ ዓአቶ ዬሱሰ ኪሪሰቶሴ ሐይባ"ፓ ዔቂሴ፣ ያኦዛሢ ዓኒሣዳ ስንጋ ዓያኖ ዛሎ"ና ዓኒሣኮ ሐይቃ ዑዎም ሼምፖ ዓኒጋንዳኔ።

12 ዬያሮ ታ ዒሾንሦ! ታ ሚሾንሦ! ኑኡኒ ስንጋኒ ኮይሳ ጎይሢ ዓአኔ፤ ዬና ኮይሳ ጎይጃላ ዓሲ ማሊሢና ኑ ስንጋንዳጉዲቱዎሴ።

13 ዓሲ ማሊሢ ማሊ ዓኒሣ ስንጋያታቱ ሐይቃንዳኔ፤ ዓያና ጌኤሺ ዎልቄና ዓሲ ማሊሢ ማዶ ዓኒሣ ባሼቱ ጋዓንቱ ሼምፖና ዓኒሣ ስንጋንዳኔ። 14 ያኦሲ ዓያና ዓይሣ ጎይያ ዓአዳዘንሢ ሲያ ያኦሲ ናይኬ። 15 ዬያሮ «ዓዴ» ጌይ ዓኒሣ ዔኤላ"ንዳ ያኦሲ ናይ ማሃ ዓያና ዓኒሣ ዔኬኔ፤ ገንሣ ዓጊቹሞና ስንጋኒ ካራሙሞ ዓያና ዓኒሣ ዔኬባአሴ። 16 ያኦሲ ዓያና" ኑ ዓያኖና ዎላ" ማዒ ያኦሲ ናይ ኑኡኮ ማዒያ ኑም ማርካዳኔ። 17 ዓካሪ ኑኡኒ ያኦሲ ናይ ማዕያታቱ ኪሪሰቶሴና ዎላ" ዬያ ሃጊ ማዓንዳ ዎዞ" ሲያ ኑ ዴንቃንዳኔ፤ ሐሣ ኑ ኪሪሰቶሴ ሜታዴ ሜቶ" ዔካያ ማዕቲ ሃጊ ዒዛና ዎላ" ኑ ቦንቹንታንዳኔ።

ሃጊ ሙካንዳ ቦንቾ

18 ኑኡኮ ሐሣአ ዎዶ" ሜታሢ' ሃጊ ኑም ጴዳንዳ ቦንቾና ዎላ" ቤቂሦዛ ኮሺ" ዳካኬ ታ ጋዓኔ። 19 ማዢንታ ሲያ ያኦሲኮ ናአታ" ፔጋዲ ጴዳንዳሢ ዴኤፒ ማሊሢ ጌሢ ካፓኔ። 20 ማዢንታ ሲያ ዔኤቢ ፓሡዎ ባአዚ" ማዓንዳጉዲ ስንገና ዔያቶይዳ ዎጊንቱኔ፤ ዬይያ፡- ማዢንታ ፔ ማሊሢናቱዎንቱ ያኦሲ ማሊሢና ማዕኔ፤ ማዕቲያ ዬይ ሐጊ ማዓንዳ ዎዞ" ዔያቶም ዓአኔ፤ 21 ዬይ ሃጊ ማዓንዳ ዎዞ" ማዢንታ ፔ ቶኦኪና ባይሲንታ ካራሙሞይዳፓ ኬሰኪ፣ ያኦሲ ናአቶ"ና ዎላ" ካራሙሞ ባአያ ቦንቾ ስንገ ስንጋንዳጉዲኬ። 22 ማዢንታ ሲያ ሐኖ" ሄላ"ንዳኦና ሸይቹ ባኒሢ ሜታሳ ማቶጉዴያና ሜታዲሢዳ ዓአሢ ኑ ዔራኔ። 23 ጋዓንቱ

8:11 1ቆሮ. 3፡16። 8:15 ማር. 14፡36፤ ጋላ. 4፡6። 8:17 ጋላ. 4፡5-7።
8:20 ማዢ. ማፃ 3፡17-19።

ሜታዲያይዳ ዓኣሢ ማዢንቶ ሌሊቱዋንቴ ቤርታዲ ዓያኖ ጌኤዠ ዲንገንቴም ዔኬ ዓሳ፥ ኦኡኒያ ጾኦሲ ናይ ማዔሢ ዲዚ ፔጋሳንዳ ኬሎ" ሃጊ ማዓንዳ ዋዛና ካፒ ካፒ ኦኡኮ ጋር ማሊያና ኦ ሜታዲሢዳ ዓኣኔ፤ ዩካፓ ኦኡኮ ዓይሌ" ማዒፃ ዓታንዳኔ። 24 ዓይጎር ጌዔቴ ኦኡኒ ዳቄሢ ዩያ ሃጊ ማዓንዳ ዋዞ"ናኬ። ጋዓንቴ ዩይ ዋዞ ኦ ማሄ ባካ ጴዳ ባኣዚ" ማዔቴ ሃጊ ማዓንዳ ዋዞ" ዋዞ ማዒፃ ዓቴ"ኔ ጌይሢኬ፤ ጴዳ ባኣዚ" ጾኦኒ «ሃጊ ማዓንዳ ዋዞኬ» ጋዓንዳይ? 25 ጴዳዋ ባኣዚ" ሃጊ ማዓንዳ ዋዞ ኦ ማሃያ ማዔቶ ገቢ" ዳንዳዓሢና ኦ ካፓንዳኔ።

26 ዋያይዲ ሺኢቃኒ ኦም ኮይሳቴያ ኦ ዔሩዋኣሢር ዓያና ጌኤሺ ኦ ላቤ" ዋዶ"ና ኦና ማኣዳ"ኔ፤ ገንሣ ሓሣ ሓያኬ ጌይ ኬኤዚንቴዋ ጎይሢና ሜታዲ ማሊ ኦ ሺኢጲያ ጾኦሲም ሺኢሻኔ። 27 ዓሲኮ ዒና ዴንቃ ጾኦሲ፥ ዓያኖ ጌኤዠኮ ማሊያ ዓይጎ ማዔቴያ ዔራኔ፤ ዋይቴ ጌዔቴ ዓያኖ ጌኤዠ ጾኦሲም ዲማዴ ዓሶኮ ሺኢጲያ ጾኦሲም ሺኢሻሢ ጾኦሲ ማሊያጉዴያታሢርኬ።

28 ጾኦሲ ዒዛ ናሽካዞንሢና ዒዛኮ ማሊያጉዴያ ዔኤሌ"ንቴ ዓሰም ጾኦሲ ቢያ ባኣዚ" ኮይሳያ ማሃ ማዳሢ ኦ ዔራኔ። 29 ዓይጎር ጌዔቴ ጾኦሲ ናዓሢ ሚርጌ ጌርሲንሢኮ ባኣካ" ቶይዲ ማዓንዳጉዲ ጾኦሲ ቤርታዲ ዶኦሬዞንሢ ዒዛኮ ናዓሢ ማላንዳጉዲ ጌዔሢርኬ። 30 ቤርታዲ ዒዚ ማሌዞንሢ ዔኤሌ"ኔ፤ ዔኤሌ"ዞንሢ ሃሣ ጻሎ" ማሃ ዛጌኔ፤ ጻሎ" ማሃ ዒ ዛጌዞንሢ ቦንቺሴኔ።

ጾኦሲ ናሹዋ

31 ዓካሪ ሃያ ባኮ ዛሎ" ኦ ዋዚ ጎጾንዳይ? ጾኦሲ ኦኡና ዋላ" ማዔቴ ጾ ኦና ዒፂ ማካኒ ዳንዳዓይ? 32 ፔኤኮ ፔቴ" ናዓሢ ሚጨንቴዋ ጾ ዛሎ"ር ዓኣሢ ዒንጌ ጾኣዛሢ ቢያ ባኣዚ" ኦም ዒንጋንዳሢ ዔርቴያኬ። 33 ጾኦሲ ዶኦሬዞንሢ ጾኦኒያ «ዳቤያኬ» ጋዓኒ ዳንዳዓይ? ጻሎ" ማሃ ዛጋሢ ዒዛኬ። 34 ዩያር ዔያቶይዳ «ዔያታ ዳቤያኬ» ጌይ ዋጋንዳሢ ጾናዳይ? ዩሱሰ ኪሪሰቶሴ ዔያቶይዳ ዋጋንዳ? ዒዚ ዔያቶይዳ ዋገንዳዋሴ፤ ዓይጎር ጌዔቴ ዒዚ ኦ ጋይቴ ሓይቁ፥ ሓይቢፓ ዔቁ ጾኦሲኮ ሚዛቆ ዛላ" ዴዒ ኦ ሺኢጲያ ጾኦሲም ሺኢሻሢርኬ። 35 ዓካሪ ኪሪሰቶሴ ናሹዋይዳፓ ዓይጌ ኦና ዲማሳንዳይ? ሜቶታቴያ፥ ኮሺ" ዑሣ ዓኣጴ ሜቶታቴያ፥ ዒፂ ዳውሲሢታቴያ፥ ናይዚታቴያ፥ ካሊሞታቴያ፥ ዋዳንዳ ባኣዚ"ታቴያ፥ ጨንቻ ዓፓርና ዋዳያታቴያ ኦና ዲማሲንዲዋሴ። 36 ዩይያ፡-

8:23 2&C. 5፡2-4።

«ኔ ጋይቲ ጌሲ ቢያ ከሌ"ና
ሐይቢና ኑ ያልታኔ፤

ሹኪንታ ማራይጉዲ ኑ ማዔኔ»

ጌይንቲ ያአፒንቴሂጉዲኤ። 37 ዓካሪ ኑና ናሸኤ፣ ኪሪሰቶሴ ዛሎ"ና ዩንሢ ሳኩንሢ ቢያ ሳሺያና ዎልቆሮንሢዳፓ ቢያ ኑ ሳሻያኤ። 38 ዬያሮ ሐይቢ ማዔቴያ ናንጊ፣ ያኑሲ ኪኢታንቸ ማዔቴያ ፑርታ ዓያና፣ ሐሢ ዓኣ ሳኣዚ"ታቴያ ሐጊ ሙካንዳያ፣ ዓይጎ ዎልቁ ማዔቴያ፣ 39 ዴጉሞ ማዔቴ ሂርኩሞ፣ ዓይጎ ማኸንቲ ማያም ኑ ጎዳሢ ዬሱሰ ኪሪሰቶሴ ዛሎ"ና ኑም ዴዴ ያኑሲ ናሹሞይዳፓ ኑና ዲማሳኒ ዳንዳዓ ዓይጎ ሳኣዚ"ያ ሳኣሢ ጎኔና ኑ ዔራኔ።

9

ያኑሲ ዒሰራዔኤሌ ዳሮ" ዶኑሪያ ማዒያ

1 ታኣኒ ኪሪሰቶሴ ዓሲታሢሮ ጎኔ ከኤዛፓዓቴም ሉኡቁሞሴ፤ ዓያና ጌኤሺ ዔኪ ዓኣዳ፣ ታኣኮ ጋሮ ዒና" ታ ሉኡቁሞኣሢ ታኣም ማርካዳኔ። 2 ዴኤፒ ያዩሢና ጋፑሞ ማላሢና ታኣኮ ዒና" ዓኣኔ፤ 3 ታኣኮ ዓሸኮ ዓጊና ማዔ፣ ታ ያጶ ዛሎ"ሮ ኪሪሰቶሴይዳፓ ዲማዴም ያኑሲ ጋዳማ ታና ሄላ"ቶ ቃራታያኤ። 4 ዒሰራዔኤሌ ዓሳ ያኑሲኮ ዶኑሪንቴ ዴሪኤ፤ ያኑሲያ ዔያቶ ፔ ናይ ማሄኔ፤ ፔ ቦንቸሞ ዔያቶም ዳዌኔ፤ ጫኣቁሞሞ ዔያቶና ዒ ጫኣቄኔ፤ ሞጌያ ዔያቶም ዒንጌኔ፤ ጎኔ ካኣሺያ ዔያቶም ዳዌኔ፤ ሃጊ ማዓንዳ ዎዛ ቃኣላኣ ዔያቶም ዒንጌኔ። 5 ዔያታ ሸይንቶና ዓደንሢ ያጶፓ ሙኬያኤ፤ ኪሪሰቶሴያ ዓሲ ማዒ ሸይንቴሢ ዔያቶይዳፓኤ፤ ዒዚ ጋዓንቴ ቢያሢዳፓ ዑሣ ማዔያኤ፤ ሃሣ ዓንጂንቴ ያኑሲኤ፤ ዓኣሜን።

6 ያዲ ማዔቴያ ያኑሲ ቃኣላ" ሐሺ"ንቴኔ ጌይሢቱሞሴ፤ ሐሣ ዒሰራዔኤሌ ዜርፃ ጉቤ ጎኔ ዒሰራዔኤሌ ዓሲኤ ጌይሢቱሞሴ። 7 ዬያጉዲ ሃሣ ዓብራሃሜ ዜርፃ ቢያ ያኑሲ ናይኤ ጌይሢቱሞሴ፤ ዎይቲ ጌዔቴ ያኑሲ ዓብራሃሜም፡- «ዜርፃ ኔኤኮ ዔኤሌ"ንታንዳሢ ዪሳኣቁ ዛሎ"ናኤ» ጌዔሢሮኤ። 8 ዬያሮ ዓብራሃሜይዳፓ ሸይንቴ ሌሊ ሸይንቴ ዓሳ ያኑሲ ናይቱሞሴ፤ ጋዓንቴ ዓብራሃሜ ዜርፃ ማዒ ፓይዲንቴዞንሢ ሃጊ ማዓንዳ ዎዛ ዒንጊንቴ ናኣቶ"ኤ። 9 ዬይ ያኑሲ ዒንጌ ዎዛ"፡- «ሙካ ሌዓ ሃይማ ዎዶ" ታ ሙካንዳኔ፤ ሳኣራ ዒማ"ና ዓቲንቁ ናይ ሸዓንዳኔ» ጋዓያኤ።

8:36 ዓይኑ. 44:22:: 9:4 ኬሲ. ማፃ 9:4:: 9:7 ማኸ. ማፃ 21:12:: 9:9 ማኸ. ማፃ 18:10::

10 ዬያ ሌሊቱዋንቴ ኑ ፃጰ ማኣርኮ ዓዳሢ ማዔ፥ ዪሳክቄም ዒርቢቃ ሜንቴ ናይ ጎጰጰ ዋደ"ና፥ 11-12 ያኦሲኮ ደኦሪፃ፡- ማደ ዛገቱዋንቴ ደኦሪኒ ኮዔሢ ደኦሪኒ ደንዳዓያ ማዔሢ ዔርዛኒ ላምፃ ናኣታ" ሸይንቴ ፑርታኣ ማፃም ኮሺ ባኣዚ" ማዳንዳሢኮ ቤርታ ያኦሲ ዒርቢቃም፡- «ቶይዲ ጌኤዚም ማዳያ ማዓንዳኔ» ጌዔኔ።

13 ዬይያ፡- «ያይቆኦቤ ታ ናሽኬኔ፤ ዔኤሳዋ ጋዓንቴ ታ ዒፄኔ» ጌይንቴ ፃኣፒንቴሢፕጉዴያኬ።

14 ዓካሪ ኑ ዋዚ ጋዓንዳይ? «ያኦሲ ዓሲ ዲማሳኔ» ኑ ጋዓኒ ደንዳዓ? «ያኦሲ ዓሲ ዲማሳኔ» ፔቴ"ታፃ ኑ ጋዓኒ ደንዳዓ-ዋሴ!

15 ዓይጎር ጌዔቴ ያኦሲ ሙሴም፡-

«ታ ማኣራኒ ኮዓሢ ማኣራንዳኔ፤ ሚጪንታኒ ኮዓሢ ማኣ ታ ሚጪንታንዳኔ»

ጌዔኔ። 16 ዬያር ያኦሲ ዓሲ ደኦሪሢ ዓሲ ማላሢና ዓሲ ማደና ዛገቱዋንቴ ዒዛኮ ማኣሪያናኬ። 17 ያዲታሢር ጊብፄ ካኣቲም፡- «ታ ዋልቆ ኔ ዛሎ"ና ታ ዳዋኒና ሱ"ንፃኣ ታኣኮ ዓጮ" ቢያይዳ ዔርቴያ ማዓንዳጉዲ ታ ኔና ካኣታሴኔ» ጌይንቴ ፃኣፒንቴኔ። 18 ዬያር ያኦሲ ኮዔሢ ማኣራኔ፤ ዒና ባይቃንዳጉዲ ዒ ኮዔሢኮ ዒና" ማሉዋጉዲ ደዲሻኔ፤

ያኦሲኮ ጎሪ"ንቶና ማኣሪያና

19 ዓካሪ፡- «ያኦሲ ማላሢ ማካኒ ደንዳዒንቴዋያ ማዔቴ ያኦሲ ዓሰ ዓይጎር <ፑርታ ማዳኔ> ጌይ ጎሪ"ይ» ጋዓይ ናንዳኔ። 20 ሓይ ዓሢ ኔ! ያኦሲና ዋላ" ማርማኒ ዓይጎ ዋልቆ ኔኤኮ ዓኣይ? ማዢንቴሢ ማዢሢ ኮራ፡- «ኔ ታና ዓይጎር ሃያይዲ ማዢይ?» ጋዓኒ ደንዳዓ?

21 ያቲ ማዢሢ ዢኢጮ ዓጪዳፓ ዔኪ ፔቴ" ባኤሎ ቦንቺንታያ ማሢ፤ ባጎዞ ቦንቺንቴዋያ ማሢ ማዢኒ ደንዳዓ-ዋዳዳ?

22 ያኦሲ ዳጎ ጎሪ"ንቶ ፔኤኮ ዳዋኒና ዋልቆ ፔኤኮ ዔርዛኒ ኮዒ ባይሲንቶም ጊኢጊንቴዞንሢ ሚርጌና ጊቢ" ደንዳዓያ ማዔቴሽ!

23 ዬያ ዒዚ ማዳሢ ቤርታዲ ቦንቺም ዒ ጊኢጊሹ፥ ዒ ማኣሬ ዓሰም ዒዛኮ ቦንቺ ዳኤፑም ዳዋኒኬ። 24 ዒ ማኣሬ ዓሰ ዓይሁዳፓ ሌሊቱዋንቴ ዓይሁዳ ማዒባኣ ዓሰይዳፓኣ ኑና ዔኤሌ"ኔ።

25 ዬይያ፡- ያኦሲ ማሊያ ኬኤዛ" ሆሴዔ ዛሎ"ና

«ታ ዳሬ ማዒባኣ ዓሰ
<ታ ዳሬ!> ጌይ ታ ዔኤላ"ንዳኔ፤
ታ ናሽኩዋ ዳር" <ታኣኒ ናሽካዞንሢ!»

9:11-12 ማዢ. ማፃ 25፥23። 9:13 ሚሊ. 1፥2-3። 9:15 ኬሲ. ማፃ 33፥19። 9:17 ኬሲ. ማፃ 9፥16። 9:20 ዒሲ. 29፥16፤ 45፥9።

ጌዲ ታ ዔኤላ"ንዳኔ፤
 26 ዔያታ <ሲንሢ ታኣኮ ዳሬቱዋሴ> ጌይንቲ ቤዘይዳ
 <ናንገና ባይቁዋ ያኣዛሢ ናኣቶ" > ጌይንታንዳኔ»
 ጌይንቲሢጉዳያኩ።

27 ያኦሲ ማሊያ ከኤዛ ዒሲያሴ
 ዒሲራዔኤሌ ዓሰ ዛሎ" ዑኡዘ ዳ'ጊዲ፡-
 «ዒሲራዔኤሌ ናኣቶ"ኮ ፓይዳ"
 ባዘ" ማኣሻሎ"ጉዲ ሚርጌቲያ
 ዔያቶይዳፓ ዳቃንዳዘንሢ ዳካ" ሌሊኩ።

28 ዬይያ ያኦሲ ናጉዋዎ
 ሩኡሪና ዓጮ"ይዳ ዋጋንዳሢሮኩ» ጌዔኔ።

29 ዬያጉዲ ሃሃ ዒሲያሴ ከኤዛዎ፡-
 «ቢያ ባኮ ዋይሃ ጎዳሢ ዜርዎ ኦኡኮ ዓይሲባኣያታቲ
 ሶዶሚና ጋሞራና ካታማ" ባይቁሢጉዲ
 ኦኡኒ ሄኤዶ ባይቁያ ናንዳንቲኩ» ጌይ ቤርታዲ ከኤዜኔ።

30 ዓካሪ ኦ ዋዚ ጎዎንዶይ? ኪሪሰቶሴ ጉሙርቁሢና ጳዳ ዒሉ"ዋ
 ላቢ" ኮዒባኣ፣ ዓይሁይቲዋ ዓሳ ዳንቁኔ፤ 31 ጋዓንቲ ዋጌይዳፓ
 ጳዳ ዒሉ"ዋ ኮዔ፣ ዒሲራዔኤሌ ዓሳ ዋጎ ኩንሢኒ ዳንዶዒባኣሢሮ
 ዒሉ"ዋ ዳንቃኒ ዳንዳዒባኣኒ። 32 «ዓይጎር ዒሉ"ዋ ዳንቁባኣይ?»
 ጌዔቲ ዔያታ ዒሉ"ዋ ዳንቃኒ ኮዔሢ ያኦሲ ጉሙርቁሢናቲዋንቲ
 ማዳር ማዔሢሮ ዲቃ ሹጫሢዳ ዔያታ ዲቁንቲኔ፤ 33 ዬይያ፡-

«ሓይሾ፤ ዓሲ ዲቃ ሹቸ
 ዒዮኔይዳ ታ ጌሢኔ፤
 ዬይ ሹጫሢ ዓሲ ዲቁ፣ ዓጋ ላሌኩ።
 ዒዛ ጉሙርቃሢ ጋዓንቲ ቦርሲንታዓኩ»
 ጌይንቲ ያኣፒንቲሢጉዲኩ።

10

ዒሲራዔኤሌ ዓሳ ያኦሲ ጎይያ ዓኣዲባኣሢ

1 ታ ዒሾንሃ! ታ ሚሾንሃ! ታኣኮ ዒና"ይዳ ዓኣ ዳኤፖ
 ማሊያና ያኦሲ ታ ሺኢቃ ሺኢጲ ያዒሲራዔኤሌ ዓሳ ዳቃንዳጉዲኩ።
 2 ጎኔና ዔያታ ዔሩዋዎ ማዳኔ፤ ያኦሲ ዛሎ" ባኮ ዒናፓ ናሽካ ዓያና
 ዔያቶኮ ዓኣሢ ታ ታ ቶኣኪና ዔያቶኮ ማርካኩ። 3 ያኦሲ ዓሰ ዒሎ"
 ማሢ ዛጋ ጎይያ ዔያታ ዔሩዋዎ ዔያታ ፔኤር ዒላ"ኒ ኮዒዎና ያኦሲ

9:25 ሆሴ. 2፣23። 9:26 ሆሴ. 1፣10። 9:28 ዒሲ. 10፣22-23። 9:29
 ዒሲ. 1፣9።

ዲሎሞም ዓይሢንቲባኣሴ። 4 ዓሲ ቢያ ኪሪሰቶሴ ጉሙርቁሢና ዲሎ"ንዳጉዲ። ሙሴኮ ዓሰ ዎይሦ ዎጋ ኪሪሰቶሴና ኩሜኔ።

ዳቂንታ ቢያ ዓሲም ማዒያ

5 ዎጎ ኩንሥሢና ጴዳ ዲሎ"ሞ ዛሎ" ሙሴ ፃኣፔሢ፡- «ዎጎ ኩንሥሢ ቢያ ሸምፔናናንጋንዳኔ» ጋዒያኬ። 6-7 «ኔኤኒ ዒኖና <ፔቴ" ዓሲ ኪሪሰቶሴ ኬይሳኒ ሌካ ጫሪንጮ ኬሰኩንጎ፣ ጌዒፖ፣» ሃሣ «ኔ ዒኖና <ፔቴ" ዓሲ ኪሪሰቶሴ ኬሳ"ኒ ሓይቄ ዓጎ ዓኣ ቤዞ ኬዶ"ንጎ ጌይፖ» ዬይ፡- ኪሪሰቶሴ ሓይካኬ፤ ያኦሲ «ዲሎ"ኬ» ጌይ ዛጋ ዓጎ ያዲ ጎዑዋሴ።

8 ሓሣ ገንሣ፡- «ያኦሲኮ ቃኣላ" ኔኤኮ ኮይላ"ኬ፤ ፔቶ" ሃሣ ኔኤኮ ዳንጎና ዒኖናይዳኬ» ጌይንቲ ፃኣፔንቴኔ። ዬይ ቃኣላ" ኦኤኒ ኬኤዛ ጉሙርቁያ ቃኣሎ"ኬ።

9 ዬሱሴ ጎዳ ማዕሢ ኔ ዒኖና ኔ ማርካዲ ያኦሲ ዒዛ ሓይባ"ፓ ዔቁሴሢያ ኔ ጉሙርቁቶ ዳቃንዳኔ። 10 ዓይጎር ጌዔቴ ዓሲ ፔ ዒኖና ጉሙርቁ ዲላ"ኔ፤ ፔ ዳንጎና ማርካዲ ዳቃኔ፤ 11 ዬይያ፡- «ዒዛ ጉሙርቁሢ ቢያ ቦርሲንቲንዲዋሴ» ጌይንቲ ፃኣፔንቴሢ፣ጌይያኬ።

12 ዓካሪ፤ ፔቴ" ያኣዛሢ ቢያሢኮ ጎዳ ማዕሢር ዓይሁዴ ዓሰና ዓይሁዴ ማዒባኣ ዓሰና ባኣካ" ዲሙሞ ባኣሴ፤ ዒዚ ኮሺ ያኦሲ ማዕሢር ሺኢቃዞንሢም ቢያ ዳቂንቶ ዓንጅ ማርጌና ዒንጋኔ፤ 13 ዓይጎር ጌዔቴ ጌኤኩ ማፃኣፖይዳ፡- «ጎዳ ማኣዳ"ንዳጉዲ ዔኤላ"ሢ ጉቤ ዳቃንዳኔ» ጌይንቴኔ።

14 ጋዒንቴ ዒዛ ጉሙርቁባኣታዎ ዎይቲ ዔያታ ዔኤላ"ኒ ዳንዳዓይ? ሓሣ ዒዛ ዛሎ" ዎይዚ ባኣዎ ዎይቲ ዔያታ ጉሙርቁንዳይ? ዔያቶም ኮኩ ሓይሶ ቃኣሎ" ኬኤዛ ዓሲ ባኣንቴ ዎይቲ ዔያታ ዎይዚ ዳንዳዓንዳይ? 15 ጌኤኩ ማፃኣፖይዳ ኮኩ ሓይሶ ቃኣሎ" ኬኤዛዞንሢ ኬኤዞም ዳኪንቲባኣያታቴ ዎይቲ ዔያታ ኬኤዛኒ ዳንዳዓንዳይ? «ኮኩ ሓይሶ ኬኤዛ ዓሰኮ ቶካ ዎዚጉዴ ኮሺዳይ?» ጌይንቲ ፃኣፔንቴሢ፣ጌይያኬ። 16 ጋዒንቴ ያኦሲ ማሊያ ኬኤዛ ዒሲያሴ፡- «ጎዳሢዮ! ኦኤኒ ኬኤዛ ቃኣሎ" ያኦኒ ዔኤይ?» ጌዔሢጉዲ ቢያሢ ኮኩ ሃይሶ ቃኣሎ" ዔኪባኣሴ። 17 ዓካሪ፤ ኪሪሰቶሴ ጉሙርቁሢ ጴዳሢ ኮኩ ሓይሶ ዎይዚዳፓኬ፤ ኮኩ ሓይሳኣ ኪሪሰቶሴ ዛሎ" ኬኤዛሢ። 18 ሃንዳ ታ ሃዚ ጎም፤ ኮኩ ሓይሶ ዔያታ ዎይዚባኣሴ ጌይሢዳ? ጌኤኩ ማፃኣፖይዳ፡- «ኮኩ ሓይሳ ዓጮ" ቢያይዳ ኬኤዚንቴኔ፤

10:5 ለዊ. ዓከ 18፡5። 10:8 ለሚ. ዎማ 30፡12-14። 10:11 ዒሲ. 28፡16። 10:13 ዒዩ. 2፡32። 10:15 ዒሲ. 52፡7። 10:16 ዒሲ. 53፡1።

ዩይ ዑኡዛ ዓጮ"ኮ ጋፖ ሄሌ"ኔ»
 ጌይንቲ ፃኣፒንቲሢፕቲዲ፡ ጎኔና ዒሰራዔኤሌ ዓሳ ዋይዜያኬ።
 19 ሐሣ ዒሰራዔኤሌ ዓሳ ኮዡ ሐይሶ ዔሪባኣሴ ጌይሢዲ? ዩይ
 ያዲ ጌይንቲዋጉዲ ሙሴ ሃያኮ ቤርታ፡-
 «ቦሂንቲ ዓሶ ዓሲ ማሂ
 ፈይቲ ዔያታ ኑጉዲ ማዔይ» ታ ዒንሢ ጌይሲሳንዳኔ፤
 ዔኤቢ ዔሩዋ ዓሶ ዔርዚ
 ታ ዒንሢ ደጋሳንዳኔ» ጌዔኔ።
 20 ያኦሲ ማሊያ ኬኤዛ ዒሲያሴ ሐሣ፡-
 «ታና ኮዒባኣሢም ታ ጴዳኔ፤
 «ያኦሲ ዓንካዳይ?» ጌይ ታና ያኦጪባኣዞንሢም ታ ፔጋዲ ጴዳኔ»
 ጌዒ ጫርቂ ኬኤዜኔ።
 21 ጋዓንቲ ዒሰራዔኤሌ ዓሶ ዛሎ" ኬኤዛያ፡-
 «ዓይሢንቲዋ፡ ዒፃ ዴሬ
 ታ ባንሢ ሙካንዲጉዲ
 ቢያ ዋዴ ኩጮ ታ ቤኤዜኔ» ጌዔኔ።

11

ያኦሲ ዒሰራዔኤሌ ዓሶ ፔቶ" ሃሺ"ባኣያ ማዒያ
 1 ሂንዳ ታ ሐሣ ሂዚ ጎያም፤ ያኦሲ ፔ ዴሮ" ሃሺ"ያ? ፔቴ"ታያ
 ሃሺ"ባኣሴ! ታኣኒ ታ ቶኦኪና ዓብራሃሜ ዜርፃፓ ሐሣ ቢኢኒያሜ
 ማኣራፓ ማዔያ ዒሰራዔኤሌ ዓሲኬ። 2 ዩያሮ ያኦሲ ቤርታዲ ዶኦሪ
 ዴሮ" ሐሺ"ባኣሴ፤ ጌኤዡ ማፃኣፓ ዔኤሊያሴ ዛሎ" ዋዚ ጌዔቴያ
 ዒንሢ ጳቂሡዋዓዳ? ሐሣ ዒሰራዔኤሌ ዴራ" ማዴ ባኮ ዋዚ ጌዒ
 ያኦሲም ዒዚ ፑሽኬቴያ ዒንሢ ዔሩዋዓዳ? 3 ዒማ"ና ዔኤሊያሴ፡-
 «ጎዳሢዮ! ኔ ማሊያ ኬኤዛዞንሢም ዔያታ ዋዴኔ፤ ኔኤም ዒንጎ ባኮ
 ዒንጊ ካኣሽኮ ቤዞዋ ሻሂም ታኣኒ ሌሊ ዓቴ"ኔ፤ ታናኣ ሐሣ ዔያታ
 ዋዳኒ ኮዓኔ» ጌዔኔ። 4 ጋዓንቲ ያኦሲ ዒዛም ማሃያ፡- «ጎኔ ያኦሲ
 ማዒባኣ፣ ባዓኣሌ ጎያ ያኦዞ ካኣሽኪባኣ ላንካይ ሺያ ዓሲ ታኣኮ
 ዓኣኔ» ጌዔኔ። 5 ሐሢ ማዔቴያ ያኦሲኮ ኮሹዋ ዒንጊያና ዶኦሪንቲ
 ዳካ" ዒሰራዔኤሌ ዓሲ ዓኣኔ። 6 ያኦሲኮ ዶኦሪያ ኮሹዋ ዒንጊያና
 ማዔቶ ማዴናቴዋሴ ጌይሢኬ፤ ዋንዴ ማዴና ማዔቴ ያኦሲኮ ኮሹዋ
 ዒንጊያ ኮሹዋ ዒንጊሢ ማዒዲዋያታንቲኬ።

10:18 ዓይኡ. 19፡4። 10:19 ላሚ. ዋማ 32፡21። 10:20 ዒሲ. 65፡1።
 10:21 ዒሲ. 65፡2። 11:1 ፒልጲ. 3፡5። 11:3 1ካኣቶ". ማ 19፡10፤ 14።
 11:4 1ካኣቶ". ማ 19፡18።

7 ዓካሪ ጋፒንግ ዓይጎ ማዕይ? ዒሰራዔኤሌ ዓሳ ዔያታ ኮዔ ባኮ ዴንቁባኣሴ፤ ዔያቶይዳፓ ዶኦሪንቴዘንሢ ጋባንቴ ኮዔ ባኮ ዴንቁኔ፤ ዓቴ" ዓሳ ጎኑሞ ዔራኒ ዳንዳዒባኣሴ። 8 ዬይያ ያዲ ማዕይሢ፡-

«ፆኦሲ ዒሮ" ዔያቶኮ ዶጨሴኔ፤

ዬያሮ ሃሮ" ሄላ"ንዳኣና

ዓኣፓ ዔያቶኮ ዴንቁሞሴ፤

ሞያኣ ዔያቶኮ ሞይዙሞሴ»

ጌይንቴ ፃኣፒንቴሢሮኤ። 9 ዳውቴ ሐሣ፡-

«ዔያታ ሙዓኒ ቡካ ቤዛ ዓርቃ ፒሮ፤

ሐሣ ሎንሣ ዔቴ ማዒ ዔያቶ ሜታሶንጎ!

10 ዓኣፓ ዔያቶኮ ዴንቁሞጉዲ ዲሞንጎ፤

ጌኢራኣ ዔያቶኮ ሜቶና ቢያ ኬሊ" ሞሶንጎ» ጌዔኔ።

11 ሂንዳ ላሚ ታ ሐሣ ሂዚ ጎም፤ ዓይሁዶ ዓሳ ዳቢንቴሢ ያንጊና ባይቃንዳጉዲዳ? ያዲቴሞሴ! ዓይሁዶ ዓሳ ዳቢንቴሢ ዘሎ"ና ዓይሁዴ ማዒባኣ ዓሳ ዳቁንታ ዴንቁኔ፤ ዬይ ያዲ ማዕይሢ ዔያታ ዓይሁዴ ማዒባኣ ዓሳ፡- «ሞይቴ ዔያታ ኑጉዲ ማዕይ?»

ጋባንዳጉዲኬ። 12 ዓይሁዶ ዓሳኮ ዳቢንታ ዓጮ"ሞ ሚርጌ ዓንጆ ጴዲሴኔ፤ ሐሣ ዔያቶኮ ባሊቲባኣያ ማዒፃ ዓይሁዴ ማዒባኣ ዓሳም ዓንጆ ማዕይ፤ ሞንዴ ዓይሁዶ ዓሳ ቢያ ዳቁያ ማዕይቴ ዓንጆ ሞዚ ሚርጋንዳንቴዳይ?

ዓይሁዴ ማዒባኣ ዓሳኮ ዳቁንቶ

13 ሐሣ ሐያ ታ ኬኤዛሢ ዒንሢ፤ ዓይሁዴ ማዒባኣ ዓሳምኬ፤ ዒንሢ፤ ዓይሁዴ ማዒባኣ ዓሳም ታ ኬኤዛንዳጉዲ ዳኪንቴሢሮ ታ ማዳ ማዳ"ና ሞዛዳኔ። 14 ሐያ ታ ማዳሢ ታ ፃጶ ማዕ ዓይሁዴ ዓሳ፡-

«ዔያታ ሞይቴ ኑጉዲ ማዕይ?» ጌይሳኒኬ፤ ዬያይዲፆና ጎምጎቴ ዔያቶይዳፓ ፔቴ" ፔቴ"ዘንሢ ታ ዳቁሻንዳያ ናንዳኔ። 15 ፆኦሲ ዔያቶ ሃሹ"ሢሮ ሜሌ" ዓሳ ፆኦሲና ቡካያ ማዕይቴ ፆኦሲ ዔያቶ ፔ ዓሲ ማሂ ዔካ ሞዶ"ና ሞሞይታንዳያ ዒንሢሞ ማላይ? ዬይ ሐይቢዳፓ ዔቁሢጉዴያኬ!

16 ፔቴ" ቆኦሮ ሙኦቃኮ ካራ"ፓ ዔኪ ፆኦሲም ዳማዴያ ማሆናቴ ሙኦቃ ጉቤ ፆኦሲም ዳማዴያ ማዓኔ። ዬያጉዲ ሃሣ ፔቴ" ሚሢኮ ፃጶ ፆኦሲም ዳማዴያ ማዕይቴ ካኣፓኣ ዳማዴያ ማዓኔ።

17 ማኣሮ ካራ" ቴኮ"ና ሪሚቶ ሚፆኮ ካኣፖ ማዕ ዓይሁዶ ዓሳ ሜቁ ኬዴ" ቤዛ ጌሆና፤ ካዮ ሪሚቶ ካኣፖጉዲ ማዕ፤ ዒንሢ ዓይሁዴ ማዒባኣ ዓሳ ዔያቶም ዒንጊንታ ዓንጆ ዒንሢያ ዴንቃያ

11:8 ላሚ. ሞማ 29፥4፤ ዒሲ. 29፥10። 11:10 ዓይኦ. 69፥22-23።

ማዕኔ። 18 ይያር ዲንሢ ዓይሁዴ ማዕባኣ ዓሳ ማቂ ኬዴ" ካኣፖ፡ ዓይሁዴ ዓሶይዳ ያቶርቂፖ፡ቲ፤ ዲንሢ ካኣፒ ሌሊ ማዕሢር ፃጰ ዲንሢ ኬዴ ዓርቂ፤ ዲንሢ ፃጰ ኬዴ ዓርቂባኣሢር ሄርሺጎጎጎዳያ ዲንሢም ኮይሱቦሴ።

19 ጋዓጎ፡- «ካኣፓ ማቂ ኬዴ"ሢ ኦኦኒ ዔያቶ ቤዛ ጌላንዳጉዲ ጌይኬ» ዲንሢ ጋዓጎዳኣንዳኔ። 20 ያዲ ዲንሢ ጋዓኒ ጎኔኬ፤ ጋዓጎ፡ ዔያታ ማቂ ኬዴ"ሢ ኪሪሰቶሴ ጉሙርቁዎዎ ዓቲዖና ማዓዛ ዲንሢ ዶዲ ዲኢካ ዴዔሢ ኪሪሰቶሴ ጉሙርቁዎናኬ፤ ያዲ ማዕሢር ዓዲጊጫንዳፓዓቲም ያቶርሙም ዲንሢ ኮይሱቦሴ።

21 ዓይጎር ጌዔቴ ያኦሲ ቤርታ ማዢንቶ ካኣፖ ማዕ፡ ዓይሁዴ ዓሶም ሚጠንቲባኣያ ማዕቴ ዲንሢማኣ ሚጠንታዓኬ። 22 ዓካሪ ያኦሲኮ ሚጠንቶና ሚጠንቶ ዲዲዖና ዛጉቀቴ፤ ሚጠንቶ ዲዲዖ ዓዛኮ ማቂ ኬዴ"ዘንሢም ማዓዛ፡ ሚጠንቶ ዲ ዲንሢ ሚጠንታኔ፤ ይዩ ዲ ማዳንዳሢ" ዲዛ ጉሙርቁዎና ዶዲ ዲንሢ ናንጌቴኬ፤ ዶዲባኣቴ ጋዓጎ፡ ዲንሢያ ማቂ ኬዴ"ንዳኔ። 23 ዓይሁዴ ዓሳ ኪሪሰቶሴ ጉሙርቁዎ ዲዲዖ ሃሺ" ማዕቴ ቤርታ ዔያታ ዓኣ ቤዛ ማማዓንዳኔ፤ ዎይቲ ጌዔቴ ያኦሲ ዔያቶ ቤርታ ዓኣ ቤዛ ማሃኒ ዳንዳዓኔ። 24 ዲንሢ፡ ዓይሁዴ ማዕባኣ ዓሳ፤ ዲንሢ ካዮ ሪሚቶ ካኣፖ ማዕ ዓኣያታዎ ዲንሢኮ ቤዛ ማዕባኣ፡ ቱኮ"ና ሪሚቶ ሚያይዳ ዓይሢጎጎጎ ዳንዳዔቴ ቱኮ"ና ሪሚቶ ካኣፖ ማዕ ዓይሁዴ ዓሳ ቤርታ ዔያታ ዓኣ ቤዛ ማዓኒ ዎይቲ ዔያቶም ዳንዳዒጎጎጎዳዎይ!

ዲሰራዔኤሌ ዓሳ ዳቃኒ ዳንዳዓያ ማዕዩ

25 ታ ዲሾንሦ! ታ ሚሾንሦ! «ኦ ዔራኬ» ጌይ ሄርሺጎጎጎ፡ቲ፤ ፔቴ" ዓኣሺጎጎ፡ ባኣዚ" ታ ዲንሢም ኬኤዛንዳኔ፤ ይና ዓይጎዳይ ጌዔቴ ዲሰራዔኤሌ ዓሶኮ ጉሙርቆ ዲዲዖ ጋፒንሢ ሄላ"ንዳኣናቱዋንቴ ዔኤሊ"ንቴ፡ ዓይሁዴ ማዕባኣ ዓሳ ቢያ ያኦሲ ባንሢ ሙካንዳያ ሄላ"ንዳኣናኬ። 26 ዓካሪ፤ ዲሰራዔኤሌ ዓሳ ቢያ ዳቃንዳሢ፡-

«ዳቂሻሢ ዲዮኔፓ ኬሰካንዳኔ፤ ያይቆኦቤ ዜርዖኮ ጎሞ ባይዛንዳኔ፤

27 ጎሞ ታ ዔያቶኮ ባይዛ ዎዶ"ና ዔያቶና ዎላ" ታ ጫኣቃንዳ ጫኣቁማ ያዲኬ»

ጌይጎጎ፡ ፃኣፒጎጎ፡ ጎይዖናኬ። 28 ዲሰራዔኤሌ ዓሳ ኮዢ ሓይሶ ዎይዜዎ ዔኮ ዲዲዖና ዲንሢ ዓይሁዴ ማዕባኣ ዓሶም ዳቂጎጎ፡ ማዓንዳጉዲ ያኦሲኮ ዔያታ ሞርኬ ማዕኔ። ጋዓጎ፡ ዶኦሪጎጎ፡ ዛሎ"ታቴ ዔያታ ዓደንሢ ዛሎ"ና

11:26 ዲሲ. 59፡20። 11:27 ዔር. 31፡33-34።

ያክሱኮ ዲጊኖኬ።²⁹ ያክሱ ደኦሪ ሐሣ ኮሹሞ ዲንጊያዎ ዲንጊሢካኮ ጊንፃ ዲ ማዳ ማዳ"ና «ዳይጋ ታ ሂዳይ!» ጌይ ማሉቀሴ።
³⁰ ዲንሢ፣ ዳይሁዳ ማዲባኦ ዳሳ ቤርታ ያክሱም ዳይሢንቱዋያኬ፤ ሐሢ ጋዓንቱ ዳይሁዳ ዳሳ ዳይሢንቱባኦ ዛሎ"ና ያክሱ ማኦሪያ ዳይሢንቱ ዳይንቄኔ።
³¹ ያክሱ ዲንሢ ማኦሪሢ ዔያታ ዛጋያ ያክሱም ዳይሢንቱዋያ ማዔኔ፤ ጋፒንፃ ጋዓንቱ ዲንሢ ማኦሪ ሳይያ ዔያቶ ማኦሪንዳኔ።
³² ዳይጎሮ ጌዔቱ ያክሱ ዳሲ ቢያ ማኦሪኒ ጋዓያ፣ ዳሲ ቢያ «ዳይሢንቱዋያኬ» ጌይ ሃሼኔ፤

ያክሱ ሄርሺሢ

- ³³ ያክሱኮ ኮሹሞና ሃኦማቶና ሃሣ ዔራቶና ያክሱ ዔሩቀያኬ!
 ዲ ዋጋ ዋጊፃ «ዋዚሞዳይ?» ጌይንቱዋያኬ፤
 ዲ ማዳ ሳይፃኦ ዔርቱዋያኬ!
- ³⁴ ያክሱ ማሊሢ ዔራይ ያክሱ ዳኦ፤
 ዲ ዛ ዘራ ዳሲያ ዳኦ፤
- ³⁵ ታልያ ማሃንዳጉዲ፣
 ዲ ዛም ታልዔ ዳሲያ ዳኦ።
- ³⁶ ዋይቲ ጌዔቱ ቢያ ባኮ ማዜሢ ዲ ዛኬ፤ ቢያ ባኮ ናንጊሻሢያ ዲ ዛኬ፣ ዲ ዛም ናንጋያኬ፤ ናንጊና ቦንቾ ዲ ዛም ማያንጎ፤ ዳኦማን።

12

ያክሱም ማዳኒ ናንጎንድ ሳይሢ

¹ ዓካሪ ታ ዲሾንሦ! ታ ሚሾንሦ! ያክሱ ዋዛሳያ ሃሣ ናንጊና ባይቁዋ ዲንጎ ባኦዚ" ማሂ ዲንሢ ያክሱም ዲንሢ ዲንጋንዳጉዲ ዳቶም ጋዓ ያክዛሢ ሱንያና ታ ዲንሢ ሺኢቃኔ፤ ዬይ ዲንሢ ዲንጋኒ ኮይሳሢ፣ ፒዜ ማዔያ ሳኔና ያክሱ ካኦሽኪሢኬ።
² ኮሺ ሃሣ ዋዛሳያ፣ ፓጫ ባኦዚ"ያ ባኦያ ማዔ ያክሱ ማሊያ ዲንሢ ዔራንዳጉዲ ዲንሢኮ ዲና" ዓካዲ ላኦሚንቶንጎ፤ ጋዓንቱ ሐያ ዓጮ" ዳሶኮ ፑርቶ ማሊያጉዲ ማዲፖቲ።
³ ሐሣ፡- «ዲንሢ ፔቲ" ፔቲ"ሢም ያክሱ ዲንጌ ጉሙርቁያጉዳያ ሺሌዑሞና ማላንዳፓቲም ዲንሢም ኮይሳሢዳፓ ዑሣ ዳኦሢ፣ ዲንሢ ዳጊዲ ማሊፖቲ» ጌይ ያክሱ ታኦም ፔ ኮሹሞና ዲንጌ ሳይያና ታ ዲንሢ ዘራኔ።
⁴ ኦኦኮ ፔቲ" ፔቲ"ሢኮ ዑያይዳ ዲማ ዲማ ቤሲ ዳኦኔ፤ ዬያ ዲማ ዲማ ዑያኮ ዲማ ዲማ ማዳ ዳኦኔ።
⁵ ዬያጉዲ

11:33 ዲሲ. 55:8። 11:35 ዲዮ. 41:11። 11:36 1ቆር. 8:6።

ኩሉን ሚርጌታዎ ኪሪሰቶሴና ኑ ፔቴ" ዑሢኬ፤ ፔቴ" ዑጾኮ ዲማ ዲማ ቤዘ ኑ ማዔ ጎይዳና ዋላ" ኑ ካኣማያኬ። 6 ዬያር ያኦሲ ፔ ኮሹሞ ዒንጊዳና ኑም ዒንጌ ዲማ ዲማ ዒንጊዳጉዳያ ኑ ማደም፤ ኑም ዒንጊንቴሢ ያኦሲ ማሊሢ ኬኤዚሢ ማዔቴ ያኦሲ ጉሙርቃ ጎይዳማ ኑ ኬኤዘም። 7 ኑም ዒንጊንቴሢ ሜሌ" ዓሲም ማደሢ ማዔቴ ደዲ ኑ ማደም፤ ኑም ዒንጊንቴሢ ዔርዚሢታቴ ኮይሳ ጎይዳ ኑ ዔርዘም፤ 8 ኑም ዒንጊንቴሢ ዓሲ ዘሪሢ ማዔቴ ኑ ዘርም፤ ኑም ዒንጊንቴሢ ዓሲም ዔኤቢ ዒንጊሢ ማዔቴ ዒናፓ ኑ ዒንጎም፤ ኑም ዒንጊንቴሢ ዓሲ ዋይሥሢ ማዔቴ ደዲ ኑ ዋይሥም፤ ኑም ዒንጊንቴሢ ሜሌ" ዓሲ ሚጨንቴሢ ማዔቴ ዋዘና ኑ ሚጨንቶም፤

ናሹሞ

9 ናሹማ ዒንሢኮ ዑሢ ማዒባኣ ናሹሞ ማዎንጎ፤ ፑርታ ባኣዚ" ሻኣኪንቴ፡ ኮሺ ባኣዚ" ዒናፓ ማደሞቴ። 10 ኪሪሰቶሴ ዛሎ"ና ሻኣኪ ዋሊኮ ጌርሲንሢ ሃሢ ጌርንሢ ማዔሢር ዋሊ ዒናፓ ናሽኪንቴሞቴ፤ ሜሌ" ዓሲ ዒንሢ ቦንቻሰካፓ ባሺ ቦንቻኒ ኮዑሞቴ፤ 11 ቤልፁሞ ሃሺ"፡ ጉቤ ዒናፓ ጎዳ ዬሱሴም ደዲ ማደሞቴ። 12 ሓገ ማዓንዳ ባኮና ዋዛደሞቴ፤ ሜቶ ዋዳና ገቢ" ዳንዳዑሞቴ፤ ቢያ ዋዳና ሃሢ ሺኣቁሞቴ። 13 ኪሪሰቶሴ ጉሙርቃ፡ ዒንሢኮ ዒሽንሢ ሜቴቶ ማኣደ"ሞቴ፤ ሸኦቺ ማዒ ሙካዘንሢያ ሸኦቺንሢ ዔኩሞቴ።

14 ዒንሢ ዓዲ፡ ዳውሳዘንሢ ዓንጂሞቴ፤ ዓዓንጂንዳፓዓቴም ዔያቶም ጋዳንቁፖቴ። 15 ዋዛደ ዓሶና ዋላ" ዋዛደሞቴ፤ ዬኤካ ዓሶና ዋላ" ዬኤኩሞቴ፤ 16 ዋላ" ፔቴ" ማሊሢና ገኣገ ናንጉሞቴ፤ ዒንሢ ቶኦኮ" ዴገሲ ያቶርቁሢ ሃሺ"፡ ማንቆ ዓሶና ዋላ" ፔቴ" ማዑሞቴ፤ * «ታጊዳፓ ሜሌ" ዔር ባኣሴ» ጌይፖቴ።

17 ዓሲ ቢያም ኮሺ ባኣዚ" ማደሞቴ፤ ዓሲ ፑርታ ባኣዚ" ዒንሢም ማዳቴ ዒንሢያ ፑርታ ባኣዚ" ማሢ ማደፖቴ። 18 ዒንሢም ዳንዳዒንታያ ማዔቴ ዓሲ ቢያና ኮሹሞና ናንጋኒ ዒንሢ ማዳንዳያ ኮይሳ ባኣዚ" ቢያ ማደሞቴ። 19 ታ ዒሸንሢ! ታ ሚሸንሢ! ኮሜ ያኦሲም ሃሹ"ሞቴ፤ ዒንሢር ኮሜ ዔኪፖቴ፤ ዓይጎር ጌዔቴ ያኦሲ፡- «ኮሞ ማሃንዳሢ ታናኬ» ጋዓኔ ጌይንቴ ያኣፒንቴሢርኬ። 20 ዬያር ኮሜ ማሃሢዳፓ፡-

12:5 1ቆር. 12፡12። 12:8 1ቆር. 12፡4-11። 12:14 ማቴ. 5፡44፤ ሉቃ. 6፡28። * 12:16 ማንቆ ዓሶና ዋላ" ፔቴ" ማዑሞቴ፡- ጌይዳ «ቦሃንታ ማደ ማዳሲያ ናሽካያ ማዑሞቴ» ጌይሢኬ። 12:16 ኮኦኪ. 3፡7። 12:19 ላሚ. ዋማ 32፡35።

«ኔኤኮ ሞርካሢ ናይዳቴ
 ዒዛ ሙኡዜ፤
 ዴኤቤቴያ ዒዛ ዑሼ፤
 ዬያ ኔ ሂዳቴ ዒ ማዳ ማዳ"
 ዴኤፒ ዳቢንቴ ማዕሚ ዒዛም ዔርታንዳኔ።»

21 ዬያሮ ፑርታ ማዳ ኮሹሞና ባባሽ፤ ፑርቱሞና ባሺንቴ።

13

ዓጮ" ዎይህ ዓሰም ዓይሢንታኒ ኮይሳሢ

1 ዓይጎ ቢታንቶዎ ማዕም ዒንገንታሢ ያኦሲ ማሊሢና ማዕሢሮ ሐሢ ዓኣ ዎይህ ዓሰዎ ደኦሪሢ ያኦሲታሢሮ ዓሲ ቢያ ዎይህ ዓሲም ዓይሢንታንዳያ ኮይሳኔ። 2 ዬያሮ ዓጮ" ዎይህ ዓሰም ዓይሢንቶ ዒፃሢ ቢያ ያኦሲ ዓይሢያዎ ዒፃያኬ፤ ዓይሢንቶ ዒፃሢ ፔ ቶኦካ ሜቶ ዔኪ ሙካንዳኔ። 3 ዎይቲ ጌዔቴ ዓጮ" ዎይህ ዓሰ ዒጊቻሢ ፑርቶ ማዳዘንሢ ማዕንዳኦፓዓቴም ኮሺ ማዳዘንሢቱዋሴ፤ ዓጮ" ዎይህ ዓሰ «ዒጊጫዓ» ኔ ጋዓ? ሂዳያታቴ ኮሺ ባኦዚ" ማዳ፤ ዎይህ ዓሰ ኔና ጋላታንዳኔ። 4 ዓጮ" ዎይህ ዓሰ ኔኤም ኮሺ ማዳንዳጉዲ ያኦሲ ደኦሪም ማዳያኬ፤ ዓጮ" ዎይህ ዓሰ ዓንጋም ዓርቃሢ ጉራቱዋኦሢሮ ፑርታ ኔ ማዳያ ማዕቴ ዓጮ" ዎይህ ዓሰ ዒጊጫ። ዒዚ ፑርታ ማዳ ዓሰ ዓርቂ ሜቶ ሄሊ"ሳንዳጉዲ ያኦሲ ጌሄያ ዒዘኮ ዓንጋዋኬ። 5 ዬያሮ ዓጮ" ዎይህ ዓሰም ዓይሢንታንዳያ ዒንሢ ኮይሳኔ፤ ዒንሢ ዓይሢንታንዳሢ ያኦሲ ዒንሢዳ ዔኪ ሙካንዳ ጎሪ"ንቶሮ ለሊቱዋንቴ ዒና" ዒንሢኮ ዬያይዶንዶሢ ዔራያታሢሮኬ።

6 ዓካሪ ጌኦራ ዒንሢ ጨጋሢ ዬያሮኬ፤ ዓጮ" ዎይህ ዓሰ ዬያ ማዳሻንዳጉዲ ያኦሲ ጌሢዘንሢኬ። 7 ዬያሮ ዓጮ" ዎይህ ዓሰ ዘሎ"ና ዒንሢዳፓ ኮይንታ ባኮ ቢያ ኮንሡዋቴ፤ ጌኦራ ኮይሳሢም ጌኦራ፣ ሻንቾ ባኮ ዘሎ" ጨጎሢታቴያ ጨጉዋቴ፤ ዒጊጨንታኒ ኮይሳሢ ዒጊጨዋቴ፤ ቦንቻኒ ኮይሳሢያ ቦንቹዋቴ።

ዎሊ ናሽኪሢ

8 ዒንሢ ዎሊ ሴካና ሃንጋና ናሽኩዋቴ፤ ያ ጊዳ"ኦ ዒንሢኮ ናሹሞ ጋሌ ባኦያ ማዕንጎ፤ ዓይጎሮ ጌዔቴ ዓሲ ናሽኪሢ ዎጎ ኮንሢኔ ጌይሢኬ። 9 «ማቾ ሃሃ ዓኒ ማዒ ባኦያና ላሂፖ፤ ዓሲ ዎዲፖ፤ ዉኡቂፖ፤ ዓሲሮ ማዔ ባኦዚ" ዓይጎዋ ዘጊ ሱኡካዲፖ» ጋዓ

12:20 ኮኦኪ. 25፣21-22። 13:6 ማቲ. 22፣21፤ ማር. 12፣17፤ ሉቃ. 20፣25።

ዓይሢያንታ ሃንጎ ዓይሢያኦ ቢያ «ዓሲ ቢያ ኔና ማሂ ናሽኬ» ጋዓ ዩኖ ፔቴ" ዓይሢያ ዋጌሎ ጋራ ማዓኔ። 10 ዓሲ ናሽካሢ ቢያ፡ ዓሲም ፑርታ ባኦዚ" ማዲቀሴ፤ ዩያሮ ዓሲ ናሽካሢ ዋጎ ቢያ ኩንሄኔ ጌይሢኬ።

11 ዓካሪ ገንዳሰካፓ ዒንሢ ጴጫንዳ ዋዳ" ሄሌ"ሢ ዔሪጋፓ ዩያ ቢያ ማዲቀቴ፤ ዓይጎሮ ጌዔቴ ቤርታ ኑኡኒ ኪሪሰቶሴ ጉሙርቄ ዋዳ"ይዳፓ ባሼ ሃሢ ኑኡኮ ዳቁንቶ ኬላ" ኑ ባንሢ ኮሺ ዑኬኔ።

12 ዲማ ካራኒ ማዔሢሮ ዲሞ ማዲ" ሃሺ"። ፖዖኮ ዓኦ ዖሎ ዓንጋሞ ኑ ዓርቆሞ። 13 ሮኦሪና ሃንታ ዓሲጉዲ ዔሪ፡ ኮይሳ ናንጌ ኑ ናንጎም፤ ኮይሱቀ ኮሢና ማሢንቲሢና፡ ማቾ ሃሃ ዓኒ ማዔ ባኦያና ላሂሢ፡ ላኦሊ ዓርቃኒ ኮዒ ዑሢ ዓርቄ ዓማሊ"ሢ፡ ማርሞና ፑርታ ቁኢሩሞዋ ኑ ሃሽ"ሞ። 14 ዩያይዳፓ ጎዳ ዩሱሰ ኪሪሰቶሴና ዋላ" ፔቴ" ማዑቀቴ፤ ዒንሢኮ ጎሞ ማሊያዋ ኩንሢሢ ማሊፖቴ።

14

ኮይሱቀ ጎይሢና ዓሲዳ ዋጋንዳያ ኮይሱቀኦሢ

1 ዒንሢ ባኦኮ"ይዳ ኪሪሰቶሴ ጉሙርቄዖና ደዲቱዋ፡ ላቤ" ዓሲ ዓኦቶ ናሹሞና ዒዛ ዓዓርቄዋቴ፤ ኮይሱቀ ጎይሢና ዒዛኮ ላቤ" ማሊያይዳ ዋጊፖቴ፤ 2 ፔቴ" ዓሲኮ ጎሙርቄዖ፡- «ቢያ ባኦዚ" ሙይንታኒ ኮይሳያኬ» ጋዓያ ማዓኒ ዳንዳዓኔ፤ ኪሪሰቶሴ ጉሙርቄዖና ደዲ ባኦሢ ጋዓንቲ ሙዓኒ ቱኮ"ናያ ሃሃ ዜርቆና ሳኦሚ ሌሊ ሙዓያ ናንዳኔ፤ 3 ዩያሮ ጉቤ ባኮ ሙዓሢ ሙዑቀኦሢ ቢሆፓ፤ ቱኮ" ባኮ ሙዓሢ ጉቤ ባኮ ሙዓሢ ዑፃ ኮይሱቀ ጎይሢና «ዳቤኔ» ጌይ ዋጎፓ፤ ዋይቲ ጌዔቴ ዒዛሲያ ዖኦሲ «ኮሺኬ» ጌዔሢሮኬ። 4 ዓካሪ ሜሌ" ዓሲም ማዲሢ ዑፃ ዋጋንዳያ ኔኦም ኮይሱቀሴ፤ ዓይጎሮ ጌዔቴ ዒዚ ሎኦሜቴያ ዔቄቴያ ዒዛኮ ጎዳ ዔሪፓኦፍቴም ኔ ባኦዚ"ቱዋሴ፤ ዒዛኮ ጎዳሢ ዒዛ ዔቄሳኒ ዳንዳዓሢሮ ደዲ ዒ ዔቃንዳኔ።

5 ዩያጉዲ ሃሃ፡- «ፔቴ" ኬላ" ባጎ ኬላ"ፓ ባሼ ቦንቹንታያኬ» ጌይ ማላይ ናንዳኔ፤ ባጋሢ ሓሃ፡- «ቢያ ኬላ" ሄኮ ቦንቹንታኒ ኮይሳኔ» ጌይ ማላይ ናንዳኔ። ዓካሪ ዩያጉዳ ባኮ ቢያይዳ ፔቴ" ፔቴ"ሢ ፔ ማሊያ ዲማሲ ዔሪንዳያ ኮይሳኔ። 6 ፔቴ" ኬሎ" ሜሌ" ኬላ"ፓ ባሼ ማሂ ቦንቻያ ዓኦቶ ዩያ ዒ ማዲሢ" ጎዳ ቦንቻም ጌዒኬ፤ ቢያ ባኮ ሙዓሢ ጎዳ ቦንቻም ጌዒ ሙዓኔ፤ ሙዓ ሙዖሮዋ ዖኦሲ

13:9 ኬሲ. ማፃ 20፡13-15፤ 17፤ ላሚ. ዋማ 5፡17-19፤ 21፤ ሌዊ. ዓኬ 19፡18።

ዲ ጋላታኔ። ቢያ ሙዖ ሙዑዎአሢያ ያኦሲ ቦንቸም ጌዲ ሙዑዎሴ፤
 ዲ ሙዑዎዎ ሃሺ"ዎና ያኦሲ ጋላታኔ። 7 ኑጊዳፓ ያና ማዕቴያ ፔኤሮ
 ናንጋና ፔኤሮ ሓይቃይ ባኣሴ፤ 8 ኑኡኒ ናንጌቴያ ጎዳ ዩሱሴም፤
 ሓይቄቴያ ጎዳ ዩሱሴምኬ፤ ዩያሮ ኑ ናንጌቴያ ሓይቄቴያ ጎዳ
 ዩሱሴሮኬ። 9 ዓይጎሮ ጌዔቴ ኪሪሰቶሴ ሓይቄ ሓይባ"ፓ ዔቄሢ'
 ሸምፖና ናንጋ ዓሰና ሓይቄቴያ ናንጊና ናንጋ ዓሰኮ ጎዳ ማዕኒኬ።
 10 ሂዳቴ ፔቴ"ይ ሜሌ"ሢ ዑፃ ዓይጎሮ ኮይሱዋ ጎይሢና ዎጋይ? ሃሢ
 ፔቴ"ሢ ባጋሢ ዓይጎሮ ቦሃይ? ኑኡኒ ቢያሢ ያኦሲ' ዎጎ ዎጋ ቤዛ
 ሸኢካንዳኔ፤ 11 ዎይቲ ጌዔቴ ጎዳ፡-

«ታኣኒ ናንጊና ባይቁዋ ያኦሲኬ፤
 ዓሲ ቢያ ታ ቤርታ ጉምዓቲ

ፔ ዳንጎና ታኣኒ ያኦሲ ማዕሢ ማርካዳንዳኔ»
 ጋዕኔ ጌይንቲ ያኦፒንቴሢሮኬ። 12 ዩያሮ ኑ ፔቴ" ፔቴ"ሢ ኑ ማዶ"
 ዛሎ" ያኦሲ ቤርቶ ሸኢኪ ኬኤዛንዳኔ።

ዓሰም ዲቆ ማዕሢ ኮይሱዎያታሢ

13 ዓካሪ ኑጊዳፓ ፔቴ"ይ ባጋሢዳ ኮይሱዋ ጎይሢና ዎጊያ
 ሃሸ"ንጎ፤ ሓሢ ዓሲ ዲቁሲ ጎማሲጎ ባኣዚ" ማዲሢዳፓ
 ካፒንቶንጎ። 14 ጎዳ ዩሱሴ ኪሪሰቶሴ ዓሲ ታ ማዔ ጎይያና
 ሙኡዚዳ ሙይንታኒ ኮይሱዋ ሙኡዚ" ባኣሢ ታ ዔሬሬ፤ ጋዕንቲ
 ፔቴ" ዓሲ ፔቴ" ባኣዚ" «ሙይንታኒ ኮይሱዋ ባኣዚ"ኬ» ጌዲ
 ማላያ ማዕቴ ዩና" ባኬላ ዲዛም ሙይንታኒ ኮይሱዋ ባኣዚ"ኬ።
 15 ሙኡዚ" ዛላና ኔ ዲሻሢ ኔ ማሊሺ ያዩጎያ ማዕቴ ናሹዎና ዲዛና
 ኔ ናንጋያቴዎሴ፤ ዩያሮ ኪሪሰቶሴ ዲዛም ሓይቄ ዓሢ፤ ኔ ሙዓ ሙዖ
 ዛሎ"ና ጎማሲ ባይዚፖ። 16 ዓካሪ ዲንሢም ኮሺ ማዔ ባኮ ሜሌ"
 ዓጎ ቦሃንዳጉዲ ማሂፖቴ። 17 ያኦሲ ካኣቲማ ዓያና ጌኤሺ ዛሎ"ና
 ጴዳ ጸሎ"ዎ፤ ኮሹዎና ዎዛና ማዕንዳኣፓዓቴም ሙኡዚ"ና ዑሺና
 ዛላ ባኣዚ"ቴዎሴ። 18 ዩያ ዲማሲ ዔሪ ኪሪሰቶሴም ማዳ ዓሲ
 ያኦሲ ዎዛጎንዳኔ፤ ዓሲ ቤርቲዳኣ ጋላቲንቴያ ማዕንዳኔ።

19 ዩያሮ ኮሹዎ ጴዳያ፤ ሓሢ ዎሊያ ሴካና ሃንጋና ደዲሻያ ማዔ
 ባኣዚ" ኑ ማዶም። 20 ሙኡዚ" ዛላና ያኦሲ ማዶ" ኑ ባይዚባኣቲ
 ኮሺኬ፤ ሙኡዚ" ቢያ ሙይንታኒ ኮይሳያኬ፤ ጋዕንቲ ሜሌ" ዓሲ
 ዲቁ ጎማሲጎ ሙኡዚ" ሙዒሢ ዳቢንቲኬ። 21 ዓሲ ዲቁ ዳቢሻ
 ባኣዚ" ማዕቴ ዓሸኪ ሙዒሢንታ ዳጋሢ ዑሺንታ ሃሢ ዩያጉዴ
 ሜሌ" ባኮዎ ሃሺ"ፃ ቃራኬ። 22 ዓካሪ፤ ዩያ ኔኤኮ ጉሙርቁያ ኔኤና

ያኑሲና ሌሊ ዔራያ ማዖንጎ፤ ዓይጎሮ ጌዔቴ «ፒዜኬ» ጌይ ዒ ማዳ ባኮ ዒና" ዒዛኮ «ኔ ዳቤኔ» ጎዑዋ ዓሲ ጋላቴንቴያከ።²³ ሙኡዚ" ዓልቴ ዓልቴ ሙዓ ዓሲ ጋዓንቴ ጉሙርቁሢና ዒ ሙዑዋኣሢ ሮ ያኑሲ ዒዛይዳ ማቶ ሄሊ" ጎንዳኔ፤ ዎይቴ ጌዔቴ ጉሙርቁሢና ማዳንቴባኣ ባኣዚ" ቢያ ጎሜኬ።

15

ዓሲ ዎዛሳኒ ኮይሳያ ማዒያ

¹ ኑኡኒ ኪሪሰቶሴ ጉሙርቁያና ዶዲ ማዔ ዓሳ ጉሙርቁያና ላቤ" ዓሶኮ ላቢ" ያዔሪ ማኣዳ"ያ ማዓንዳኣፓ ዓቴም ኑና ኑ ዎዛሳያ ማዓኒ ኮይሱዋሴ፤ ² ኑኡኒ ፔቴ" ፔቴ"ሢ ማሌ"ሢ ያኑሲ ጉሙርቁያና ዶዳንዳጉዲ ማሌ" ዓሢ ማኣዳ"ኒ ዒዛ ዎዛሳ ባኣዚ" ኑ ማዶም። ³ ዓይጎሮ ጌዔቴ ኪሪሰቶሴ ፔና ዎዛሲባኣሴ፤ ጋዓንቴ «ኔና ጫሽኮና ጫዠ ታና ሄሌ"ኔ» ጌይንቴ ያኣፒንቴሢ ዒዛይዳ ማዔኔ። ⁴ ጌኤዠ ማዓኣፓፓ ኑ ዴንቃ ገቢ" ዳንዳዒያና ዶዲያና ሃጊ ማዓንዳ ዎዛ ኑኡኮ ዓኣያ ኑና ማሃንዳጉዲ ቤርታዲ ያኣፒንቴ ባኣ ቢያ ዔራቶ ኑ ዴንቃንዳጉዲ ኑም ያኣፒንቴኔ። ⁵ ዒንሢ ዬሱሰ ኪሪሰቶሴ ገንዖ ሃንታዘንሢ ማዔሢ ገቢ" ዳንዳዒሢና ዶዲሢና ዒንጎ፤ ጎዳ ፔቴም ዓያና ዒንሢም ዒንጎንጎ። ⁶ ዬይ ኑ ጎዳ ዬሱሰ ኪሪሰቶሴኮ ዓዶ ማዔ ያኣዛሢ * ፔቴ" ዒናና ፔቴ" ዑኡሲና ዒንሢ ዒዛ ቦንቻንዳጉዲ ማሆንጎ።

ዓይሁዴ ማዒባኣ ዓሶም ኬኤዚንቴ ኮዠ ሓይሶ

⁷ ኪሪሰቶሴ ዒንሢ ቦንቹ ዔኬሢጉዲ ዒንሢያ ዎሊ ያኑሲ ቦንቹም ጌዒ ቦንቹዋቴ። ⁸ ሓይ ታ ኬኤዛሢ ቤርታ ኑ ዓዶንሢም ዒንገንቴ ሃጊ ማዓንዳ ዎዛ" ኩማንዳጉዲና ያኑሲኮዎ ጉሙርቁንቴ፤ ዔርታንዳጉዲ ኪሪሰቶሴ ዓይሁዴ ማዒባኣ ዓሶም ማዳያ ማዔኔ ጌይኬ። ⁹ ኪሪሰቶሴ ዓይሁዴ ማዒባኣ ዓሶም ማዳያ ማዔ ማሌ" ጎይ፤ ዓይሁዴ ማዒባኣ ዓሳ ያኑሲኮ ማኣሪዖ ዛሎ" ጋላታንዳጉዲኬ፤ ዬይያ፡-
«ዓይሁዴ ማዒባኣ ዓሶ ባኣካ" ታ ኔና ጋላታኔ፤
ኔ ሱንዖዎ ዓይኑምና ታ ጋላታኔ»
ጌይንቴ ያኣፒንቴሢጉዲኬ። ¹⁰ ሓሢ፡-
«ዒንሢ ዓይሁዴ ማዒባኣ ዓሳ

15:3 ዓይኑ. 69፡9። * 15:6 ዓዶ ማዔ ያኣዛሢ ጋዓዙ፡- ዓኮ ጫኣቁዎ ማዓኣፓ ቤርታዲ ያኣፒንቴ ጌሪኮ ሙኡጮና «ዬሱሰ ኪሪሰቶሴኮ ያኣዛሢና ዓዳሢና ጋላቴንቶንጎ» ጋዓኔ። 15:9 2ሳሙ. 22፡50፤ ዓይኑ. 18፡49።

ጾኑሲ ዶኑሬ ዴሮ"ና ዎላ" ዎዛዲዎቼ»
ጌይንቲ ፃኣፒንቲኔ።

11 ላሚ ሃሣ፡-

«ዓይሁዴ ማዒባኣ ዓሳ ቢያ ጾኑሲ ጋላቲዎቼ፤
ዴራ"ኣ ቢያ ጾኑሲ ጋላቲዎቼ»

ጌይንቲ ፃኣፒንቲኔ።

12 ዬያጉዲ ዒሲያሴ፡-

«ዴሮ" ቢያ ዑፃ ካኣታዳንዳያ

ዒሴዬ ዜርፃፓ ሾይንታንዳይ፤

ዒዛይዳ ዓይሁዴ ማዒባኣ ዓሳ

ሃጊ ማዓንዳ ዎዛ ጌሣንዳይ»

ጌዔኔ። 13 ዒንሢኮ ሃጊ ማዓንዳ ዎዛ" ዓያኖ ጌኤዢ ዎልቆና
ዲጨ ዲጨ ዓኣዳንዳጉዲ ሃጊ ማዓንዳ ዎዛ ዒንጋ፣ ጎዳ ዒንሢ
ጉሙርቁሢሮ ዎዛና ኮሹሞና ሚርጊሺ ዒንሢሞ ዒንጎም።

ጳውሎሴ ጫርቂሲ ፃኣፒሴ ባኮ

14 ታ ዒሾንሦ! ታ ሚሾንሦ! ሚርጌና ዒንሢ ኮሺ ማዔሢ
ሃሣ ሚርጌና ዒንሢ ዔራያ ማዔሢና ፔቲ" ፔቲ"ሢ ሜሌ"ሢ
ዘራኒ ዳንዳዓያ ማዔሢ ጎኔና ታ ዔሬኔ። 15 ፔቲ" ፔቲ" ባኣዚ" ታ
ዒንሢሞ ጳቁሢኒ ኮዒ ሃያ ከኢቶ" ጫርቂ ታ ዒንሢሞ ፃኣፔሢ
ጾኑሲ ታኣም ፔ ኮሹሞና ዒንጌ ጎይያናኔ። 16 ዬይ ኮሹሞ ዒንጊፃ
ታኣም ዒንጊንቲሢ ጾኑሲ ኮኮ ሓይሶ ዓይሁዴ ማዒባኣ ዓሶም
ቁኤሴ ማዒ ኬኤዚ፣ ዬሱሰ ከሪሰቶሴም ማዳንዳጉዲኔ፤ ዬያሮ
ዓይሁዴ ማዒባኣ ዓሳ ዓያና ጌኤሺና ጾኑሲም ዲማዴያ ሃሣ ጾኑሲ
ዎዛሳያ ማዓ ጾኑሲም ዒንጎ ባኣዚ" ማዒ ዒንጊንታንዳጉዲ ታ
ማዳኔ። 17 ታኣኒ ዬሱሰ ከሪሰቶሴና ማዒ ጾኑሲም ማዳኒ ዳንዳዒያና
ዖቶርቃኔ። 18 ታኣኒ ዖቶርቃሢ ታ ኬኤዛ ባኮና ማዳ ማዳ" ዛሎ"ና
ዓይሁዴ ማዒባኣ ዓሳ ጾኑሲም ዓይሢንታንዳጉዲ ከሪሰቶሴ
ማሄሢሮ ሌሊኔ፤ 19 ዬያጉዲ ሃሣ ከሪሰቶሴ ጾኑሲ ዎልቆና
ማዳንታ ዓከ ማዳንታ ዲቃሣ ማዳዎ ዓያኖ ጌኤዢ ዎልቆና ማዳ
ዓይሁዴ ማዒባኣ ዓሳ ዓይሢንታንዳጉዲ ማሄሢሮ ታ ዖቶርቃኔ፤
ዬያይዲያና ዬራሳላሜይዳፓ ዴንዲ ዔልዎሪቆኔ ሄላ"ንዳኣና ሓንቲ
ሓንቲ ከሪሰቶሴኮ ኮኮ ሓይሶ ታ ኬኤዜኔ።

20 ቢያ ኬሊ" ታ ማላሢ ሜሌ" ዓሲ ቦኣኮልቁያይዳ ማዢሢ
ማዒባኣንቲ ከሪሰቶሴኮ ሱንፃ ዎይዚንቲባኣ ቤሰካ ቢያ ኮኮ ሓይሶ
ኬኤዛኒኔ። 21 ዬያ ታ ማዳሢ፡-

15:10 ላሚ. ዎማ 32፣43። 15:11 ዓይኑ. 117፣1። 15:12 ዒሲ. 11፣10።

«ዒዛ ዛሎ" ከኤዚንጉቲ ቤቁባኣ ዓሳ፥
 ዒዛ ዛጋንዳኔ፤
 ዒዛ ዛሎ" ዋይዚ ቤቁባኣ ዓሳኣ
 ጳቂሢ ዔራንዳኔ»
 ጌይንጉ ፃኣፒንጉ ጎይዖናኩ።

ጳውሎስ ሮሜ ዓጮ" ዓኣዲኒ ማሌሢ

22 ሃኖ" ሄላ"ንዳኣና ዒንሢ ኮይላ" ታ ሙካኒ ዳንዳዒባኣሢ ታ ዒንሢም ከኤዘ ጎይዖና ጊኢጊባኣሢሮኩ። 23 ሓሢ ታ ሃካ ዓኣ ማዳ" ኩርሴሢሮ ሃሢ ሚርጌ ለዔፓ ዓርቂ ዒንሢ ዛጋኒ ሚርጌና ታ ኮዓሢሮ፥ 24 ዒሰፔኔ ዓጮ" ታ ዴንዳዖ ዒንሢያ ዒኣና ዛጊ ዓኣዲኒ ማሌኔ። ዒኣካ ዳካ" ዒንሢና ዋላ" ታ ዴዔሰካፓ ጎይዖ ታ ዓኣዳንዳጉዲ ታኣም ኮይላ ማኣዶ ዒንሢ ማኣዳ"ንዳሢ ታ ጉሙርቃኔ። 25 ሓሢ ጋዓንጉ ኪሪሰቶሴ ጉሙርቃ ዓሶም ዒንጊንታ፥ ማኣዶ ሚኢሾ ዔኪ ዩሩሳላሜ ታ ዴንዳኔ፤ 26 ዓይጎሮ ጌዔቴ ሜቄዶኒያና ዓካይያ ጌይንታ ዓጮ"ይዳ ዓኣ ኪሪሰቶሴ ጉሙርቃ ዓሳ ዩሩሳላሜይዳ ዓኣ ኪሪሰቶሴ ጉሙርቃ ዓሶ ባኣካ" ዓኣ ማንቆ ዓሶም ሚኢሾ ማኣዶ ዳካኒ ማሌሢሮኩ። 27 ሓያ ማኣዳሢ ዔያታ ፔ ማሌሢና ዒንጌሢ" ዔያቶ ኮይላያ ማዔምኩ፤ ዋይቴ ጌዔቴ ዓይሁዴ ማዒባኣ ዓሳ ዓይሁዴ ዓሶና ዋላ" ዓያኖ ዓንጅ ዴንቃያ ማዔሢሮ ዓይሁዴ ማዒባኣ ዓሳ ሳዖ ዓንጅ ዒንጊ ዓይሁዴ ዓሶ ማኣዳ"ኒ ኮይላሢሮኩ። 28 ዩያሮ ሃያ፥ ቡኩሶና ማኣዳሢ ሚኢሾ ዩሩሳላሜ ዔኪ ዓኣዲ ታ ዒንጌሢኮ ጊንፃ ዒሰፔኔ ዓጮ" ዴንዳዖ ዒንሢ ዩማና ታ ዛጋንዳኔ። 29 ዒንሢ ኮይላ" ታ ሙካኣና ኪሪሰቶሴ ዛሎ"ና ማዒ ዓንጅ ሚርጌና ታ ዒንሢም ዔኪ ሙካንዳሢ ጉሙርቃኔ።

30 ታ ዒሾንሦ! ታ ሚሾንሦ! ታ ዛሎ" ታኣና ዋላ" ደዲ ያኦሲ ሺኢጳሢና ታና ዒንሢ ማኣዳ"ንዳጉዲ ኑ ጎዳሢ ዩሱሰ ኪሪሰቶሴና ዓያኖ ጌኢኮናኮ ናሹሞና ታ ዒንሢ ሺኢቃኔ። 31 ዒንሢ ታኣም ሺኢቃንዳሢ" ዩሁዳ ዓጮ"ይዳ ዓኣ ኪሪሰቶሴ ጉሙርቁዋ ዓሶይዳፓ ያኦሲ ታና ካፓንዳጉዲና ዩሩሳላሜይዳ ታ ማዳንዳ ማዳ" ኪሪሰቶሴ ጉሙርቃ ዓሶ ዋዛሳንዳጉዲኩ። 32 ሓሢ ያዲ ማዔሢኮ ጊንፃ ያኦሲ ማሌሢ ማዔም ዒንሢ ኮይላ" ታ ዋዛና ዩዒ፥ ዒንሢና ዋላ" ዴዒ ሃውሻንዳጉዲኩ። 33 ኮሹሞ ዒንጋ፥ ያኦዛሢ ዒንሢ ቢያሢና ዋላ" ማዖንጎ፤ ዓኣሜን።

16

ጳውሎስ ዳኬ ሳራሢያ

1 ኪንክሪያ ካታሞይዳ ዓኣ ሺኢጲያ ማኣራ ማዳ ኑ ሚሹሎ ፔበኔ ዛሎ" ታ ዒንሢ ሺኢቃኔ፤ 2 ዒዛ ታናንታ ሜሌ" ሚርጌ ዓሲ ማኣዳ"ያ ማዒሢሮ ጾኦሲ ዓሲ ሾኦቹንሢ ኮይሳ ጎይጾና ጎዳ ሱንጾና ሾኦቹንሢ ዔኪ ዒዛም ኮይሳ ባኮና ቢያ ዒንሢ ዒዛ ማኣዳ"ንዳጉዲ ታ ዒንሢ ሺኢቃኔ።

3 ዬሱስ ኪሪሰቶስም ማዲያና ታኣና ዋላ" ፔቴ" ማዒ፥ ጲርሰቂላና ዓቂላናም «ኮሺዳ?» ጌዔኔ ጎውዋቴ፤ 4 ዔያታ ታ ዛሎ"ሮ ሓይቃኒያ ጌዔ ዓሲኬ፤ ዬያሮ ቢያ ዋይ ታ ዔያቶም «ጾኦሲ ዒንጎም» ጋዒኔ፤ ዬያ ታ ሌሊቱዋንቲ ዓይሁዴ ማዒባኣ ኪሪሰቶስ ጉሙርቃ ሺኢጲያ ማኣሮ ዓሳኣ ጋዒኔ። 5 ሓሣ ዔያቶ ማኣሮይዳ ሺኢቃኒ ቡካ፥ ኪሪሰቶስ ጉሙርቃ ዓሰም፤ ዒሲያ ዓጮ"ይዳፓ ቢርታዲ ኪሪሰቶስ ጉሙርቂያ፥ ታ ዒዛ ናሽካ ዔፖኖቶስም «ኮሺዳ?» ጋዒኔ፤ ጎውዋቴ። 6 ዒንሢም ሚርጌና ላቤ" ማይራሞማኣ «ኮሺዳ?» ጌዔኔ፤ ጎውዋቴ። 7 ሃሣ ታኣና ዋላ" ቱኡቴዘንሢንታ ጾኦሲ ማዲ"ም ዳኪንቲዘንሢ ባኣካ" ዔርቲያ ዓይሁዴ ማዒ፥ ታ ዒጊኖንሢ፥ ዓንዲሮኒቆስና ዩኒያሴናም «ኮሺዳ?» ጎውዋቴ። ዔያታ ኪሪሰቶስ ጉሙርቂያና ታና ቢራያኬ።

8 ጎዳ ሱንጾና ታ ናሽካ ዓንፒሊያቶስማኣ «ኮሺዳ?» ጌዔኔ፤ ጎውዋቴ። 9 ኪሪሰቶስ ማዲ" ማዲያና ኦኡና ዋላ" ፔቴ" ማዒ፥ ዑርባኖሴና ታኣኒ ናሽካ፥ ዒሰፃኩሴናም «ኮሺዳ?» ጋዒኔ፤ ጎውዋቴ። 10 ኪሪሰቶስ ዒ ጉሙርቃሢ ዛጊንቲ ዔርቲያም «ጎኔኬ» ጌይንቲ፥ ዓፒሊሴም ሃሣ ዓርፃቡሎስ ማኣሮ ዓሰፓ ማዒዘንሢማ «ኮሺዳ?» ጌዔኔ፤ ጎውዋቴ። 11 ዓይሁዴ ዓሲ ማዒ፥ ታ ዒጊናሢ ሄርዲዮኔም፤ ሃሣ ጎዳ ጉሙርቃ ናርሴሴ ማኣሮ ዓሰማኣ «ኮሺዳ?» ጌዔኔ፤ ጎውዋቴ።

12 ጎዳ ማዲ" ማዲ ላባ" ቲሩፓይኖና ቲሩፖሶ ጌይንታ ላኣሎንሢም፤ ሓሣ ሚርጌና ላቢ" ማዲ፥ ኪሪሰቶስ ሱ"ንጾና ታ ናሽካ ፒሪሰሳ ጎጾዜሎም «ኮሺዳ?» ጌዔኔ፤ ጎውዋቴ። 13 ጎዳ ማዲ" ማዲያና ዔርቲ ሩፖስም ሓሣ ታና ፔናጉዲ ማሢ ናሽካ ዒዛኮ ዒንደማኣ «ኮሺዳ?» ጌዔኔ፤ ጎውዋቴ። 14 ዓሰኪራቶሴና ፒሊጎንጾናም፥ ሄርሜሴም፥ ፓትሮባሴም፥ ሄርማሴም ሓሣ ዔያቶና ዋላ" ዓኣ ኪሪሰቶስ ጉሙርቃ ዒሾንሢንታ ሚሾንሢታም

16:3 ዳኪ. ማዲ" 18:2። 16:13 ማር. 15:21።

«ኮሺዳ?» ጌዔኔ፤ ጎውዋቱ። 15 ፒሎጎሴም፣ ዩሊያም፣ ኔሪያና ዒዛኮ ጌሮናም ሓሣ ያሎምሴና ዒዛና ዋላ" ዓኣ ኪሪሰቶሴ ጉሙርቃዞንሣም ቢያ «ኮሺዳ?» ጌዔኔ፤ ጎውዋቱ።

16 ዋሊኮ ጌርሲንሣጉዲ፣ ናሹሞና ዋሊ ሄርቂ ዔኤሊ"ንቱዋቱ። ኪሪሰቶሴ ጉሙርቃ ሺኢጲያ ማኦር ዓሳ ቢያ ዒንሣ «ኮሺዳ?» ጋዓኔ።

ጳውሎሴኮ ጋፒንያ ዘር"

17 ታ ዒሾንሣ! ታ ሚሾንሣ! ዒንሣኮ ባኣካ" ዒንሣ ዲማሳያና ዒንሣ ኪሪሰቶሴ ጉሙርቂያና ደዲዋጉዲ ማሃ ዓሶይዳፓ ዒንሣና ካቸዋቱ፤ ዒንሣ ዋይዚ ዔኤ ዔራቶ" ዔያታ ዒፃያ ማዔሣረ ዔያቶይዳፓ ደማዲዋቱ። 18 ዬያጉዴ ዓሳ ፔኤኮ ፑርቶ ማሊያ ኩንሣያኬ፤ ኑ ጎዳሣ ኪሪሰቶሴም ማዲያቱዋሴ፤ ዔያታ ኮሺ ጌሰታያ ማሊ፣ ጌሺሣ ሓይሴና ዒና" ዒሎ" ማዔ፣ ኮዦ ዓሶ ጌሻኔ።

19 ዒንሣ ኮዦ ሓይሶ ዋይዚ ዔኤ ዓይሣንታያ ማዔሣ ዓሳ ቢያ ዔራሣረ ታና ኮሺ" ዋዛሳኔ። ጋዓንቱ ኮሺ ባኣዚ"ም ጨንጫ፤ ፑርታ ባኣዚ"ም ጋዓንቱ ዔኤቢ ዔራዋ ዓሲ ዒንሣ ማዓንዳጉዲ ታ ኮዔኔ።

20 ዒንሣ ዬያይዴቱ ኮሹሞ ዒንጋ ያኣዛሣ ፃላሄ ዒንሣኮ ቶኮ ዴማ ዓገ ሄርቂ ዳኣፃንዳኔ።

ጎዳ ዬሱሰ ኪሪሰቶሴኮ ኮሹሞ ዒንገፃ ዒንሣና ማዖንጎ።

21 ታኣና ዋላ" ማዲ ዒሞቱዋሴንታ ኑ ዜርዖ፣ ዓይሁዴ ማዔ፣ ሉቁዮሴንታ ዒያሱኔንታ ዬያጉዲ ሃሣ ሶሰጳዒርሴያ «ኮሺዳ?» ዒንሣ ጋዓኔ።

22 ሓያ ኪኢቶ" ፃኣፓሣ፣ ታኣኒ ፃፃሪዮሴያ ጎዳ ሱንፆና ዒንሣ «ኮሺዳ?» ጋዓኔ።

23 ታና ሃሣ ሾኦቹንሣሣና ሃይካ ዓኣ ኪሪሰቶሴ ጉሙርቃ ዓሶዋ ፔ ማኦርይዳ ቡኪ ሺኢቃንዳጉዲ ማሃ፣ ጋይዮሴንታ ሃኖ" ካታሜሎኮ ሚኢሾ ዓርቃያ ማዔ፣ ዔራሰፃሴንታ ኑ ዒሻሣ ቁዋርዖሴንታ ዒንሣ «ኮሺዳ?» ጋዓኔ። 24 ጎዳ ዬሱሰ ኪሪሰቶሴኮ ኮሹሞ ዒንገፃ ዒንሣ ቢያሣም ማዖንጎ፤ ዓኣሚን።

ጳውሎሴኮ ጋላቶ" ሺኢጲያ

25 ዓካሪ ያኣሲም ጋላታ ሄሎንጎ! ሚርጌ ለዔ ዓኣሺንቲ ዓኣያ ሃሣ ታኣኒ ዬሱሰ ኪሪሰቶሴ ዛሎ" ኬኤዛ፣ ኮዦ ሓይሶና ፔጋጴ ጎኑሞና ደዲ ዒንሣ ዔቃንዳጉዲ ያኣሲ ዒንሣ ማሃኒ ዳንዳዓኔ። 26 ሓሣ ጋዓንቱ ዬይ ጎኑማ ያኣሲ ማሊያ ኬኤዛ ዓሶ ማፃኣፖ ዛሎ"ና ፔጋጴ

16:21 ዳኪ. ማዶ" 16:1። 16:23 ዳኪ. ማዶ" 19:29፤ 1ቆር. 1:14፤ 2ፃሞ. 4:20።

ጴጥሮስ፤ ቢያሁ ጉሙርቂ ዓይሁንታንዳጉዲ ናንገና ናንጋ ጸኣዛሁ
 ዓይሁም ዳሬ ቢያ ዔራንዳጉዲ ዩይ ማዲንቴኔ፤
 27 ዓዚ ሌሊ ዔራ ማዔ፥ ፔቴ" ጸኣዛሁም ዩሱስ ኪሪስቶስ
 ዛሎ"ና ናንገና ቦንቾ ማገንጎ! ዓኣሜን።

ጌጌዥ ማግኔግ

**The Holy Bible in the Maale language of Ethiopia,
using Ethiopic script**

copyright © 2015 The Word for the World International and The Bible Society of Ethiopia

Language: Maale

Translation by: The Word for the World

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-12-29

PDF generated using Haiola and XeLaTeX on 11 Nov 2022 from source files dated 29 Jan 2022

bbcfb90a-3ae3-5452-983d-6c4c02375929